

論

語

後

案

論語後案

定海黃式三學

子罕九

子罕言利與命與仁

罕从网隸變从四俗从四

原義罕者希也利者義之和也命者天之命也仁者行之盛也寡能及之故希言也

同義罕少也程子曰計利則害義命之理微仁之道大皆夫子所罕言也

釋義說文罕訓網漢書注罕訓畢者本義也經傳中罕訓少者借字也罕言之罕借為軒豁之軒占經罕軒二字通用左氏春秋經昭公元年鄭罕虎定公十五年鄭罕達公羊經作軒軒有顯豁之義亦曰軒豁經史中凡言軒軒昂軒渠軒義與軒豁之義一也樂記致右憲左注讀憲為軒內則皆有軒注讀軒為憲禮中庸憲憲令德詩本作顯此又軒憲顯音

義皆通之。雖則軒言者表顯言之也。利必表顯言之。書義中之利。聖人有勸言。易有利。見利涉利。往利。物和義之。謂利而無害。萬事之所宜也。故勸言之。勸則使人樂為。善義外之利。聖人有箴言。經中有放利。多怨。小人喻利之。成利。彼則害此。非易所謂義之和也。故箴言之。箴則使人惡夫貪。大學言悖入悖出。又言以義為利。孟子言何必曰利。又言未有仁義而遺後君親。疑似之宜辨。如此命必表顯言之。者。命有不轉移。有宜轉移。有終不可轉移。而必盡轉移之心。學者未明夫疑似之故。由於言命之岐也。言命者。如王仲任論衡所謂。雖云有命。當須索之。朱子所謂。庸人以智力不能挽。始委於命。如此言。命必與道乖。夫子進禮。退義曰。有命。貨殖。所為不受命。則以智力轉移之者。非順受之正。而必準以禮義之可得。不可得者。謂之命。禮義之性。窮通之數。皆命於天。天之命。以通者。循其禮義而行。或使之。必不命之。去禮義以求通。天之命。以窮者。循其禮義而止。或尼之。尤不可去禮義。以進。天言。教而準。諸禮義。乃非索之茫茫也。言命者。以天人闊遠。不能福善禍淫。如此言。命又與道乖。夫子於易言。吉凶。詩言。降福。書盤庚言。斷命。續命。召誥言。用德。祈命。甯利言。惟克天德。自作。

元命皆裹錄其義以示入孟子言禍福自己求之言以嚴肅
厥枉格之非正命韓詩外傳三引伊尹之言曰見妖而爲善
卽禍不至見祥而爲不善則福不臻董子言人之所爲其美
惡之極乃與天地流通而往來相應其義皆同是人事萬物
之靈能盡其性者實有轉移造化之驗言福義而微可推也
言命者申天道自然之說遭事之不可轉移遂付諸漠不相
問之氣如此言命又與道乖夫子言盡性至命而於伯夷比
干之妖嬖不貳屢得道之其生平知道不行而周流終老與
帝舜耕田呼天必求親之底懷殆無以異晚復則訂贊修以
維世教則遭人倫之變者卽命終不可轉移而慘慘不已之
心必質諸己以盡其道孟子所謂有性焉不謂命也不知命
無以爲君子不表顯言之正慮總人之爲君子疑似之宜辨
如此仁必表顯言之者仁之功用在乎志人而必言克己所以
立仁之本也仁道雖遠欲之可至而爲仁戒以日月至所以
明仁之難純也窮仁之量堯舜有所病而盡仁之方又不必
博施濟眾也從井救人任俠之士可殺身成仁又爲志士仁
人也此疑似之介所宜表顯言之者也論語一書言仁者五
十八章一百有五字是夫子表顯仁道之言矣自史記外或

世家引罕言命孟子列傳引罕言利解罕爲希何晏因之然以利爲希言於是義利之辨不羽迂腐者所成貽利鈍之計爲入欲狂妄者臆倡王霸互用之論矣以命爲希言於是理數判爲二儒者以性命爲不傳之秘又有命不足道之說且有以術數言命與類心聽命之說矣以仁爲希言於是問者謂夫子告諸弟子以爲仁而本體未嘗言亦其本體須總括諸書之言仁顯之數年而悟而說仁者遂元之又元朱子答呂伯恭書云俾學者枉費精神胡亂猜摸雖有志於求仁而無以用其力於不可識之物可慨也或曰訓罕爲希先儒有非之者歟曰集解不錄孔包鄭君諸說則何氏以前諸說未必盡同何氏今雖散佚獨存何解罕希之訓學者蓋所攷正然疑此者固有之矣筆解云孔子罕言此三者之人非謂罕言此三者之道史氏學庸佔畢謂子所罕言者利而許言命許言仁焦里堂曰子罕言利若言利則必與命並言之與仁並言之孔子固不罕言命罕言仁矣武虛谷从皇疏云與者重語許與人也以子罕言下三事凡此諸說皆善啓人疑而愈在求實是者歟然以諸說攷之不如訓罕爲軒之明懷也

達巷黨人曰大哉孔子博學而無所成名

大哉句孔子博學句

傳曰達巷者黨名也五百家為黨此

黨之人美孔子博學道藝不成一名也

傳達巷黨名其人性名不傳博學無所成

名其美其學之博而惜其不成一藝之名也

傳達巷者黨名舒傳曰臣聞良玉不瑑資質潤美不待刻琢

此亡異於達巷黨人不學而自知也注孟康曰人項橐也式

三家藏國策秦策甘羅曰夫項橐生七歲而為孔子師此雖

甘羅夸說而史記世家引此經云達巷黨人童子史以黨人

為童子則孟康指項橐國有所本集注

云其人姓名不傳此闕疑之意慎之也

子問之師門弟子曰吾何執執御乎執射乎吾執御矣

傳曰聞人美之承以謙也

吾執御者欲名大藝之卑也

傳執御執也射御皆一藝而御為人僕所執尤卑吾欲使

我何所執以成名乎然則吾將執御矣問人譽己承之以謙

也。尹氏曰：聖人，道全而德備，不可以偏長目之也。達於世，人見孔子之大意，其所學者博而惜其不以一善得名於世，蓋慕聖人而不知者也。故孔子曰：欲使我何所執而得為名乎？然則吾將就御矣。

子曰麻冕禮也

麻冕，孔子曰：冕，緋布冠也。古者績麻三十升布以為之。

虎通曰：麻冕者，何？周宗廟之冠也。所以用麻者，鳥之者，女工之始，示不忘本也。卽不忘本，不用皮，何？皮乃大古未有，禮文之服，故曰麻冕。禮也。近解申孔注，以麻冕為始冠之緋布冠，非也。古經注不寫全經，此節孔注當大書麻冕二字。注云：冕，緋布也。後儒不解增冠字，耳增冠字，則不可解。云：麻冕，冕，緋布也。義自通矣。冕，板之覆，緋布者，謂之延字，亦作緋。夏官弁師掌王之五冕，皆元冕。朱襄延，經鄭君注：延，冕之覆，在上者，賈疏叔孫通作漢禮器制度云：凡冕以版上元下朱覆之，乃以五采纁繩貫五采玉，眾于延。後謂之還延。左氏桓公二年

傳術統法經孔蓋冠以朱爲幹以元布衣上謂之經驗語尚
書皆用麻冕知其當用布也孔安國論語注言經麻三十升
布以爲冕即是經也據孔賈兩疏則雖冕有經而云麻者指
經而言孔云績麻三十升布以爲之者布八十縷爲升見禮
鄭君注江慎修曰古布幅闊二尺二寸當今尺一尺三寸七
分半若容三十升之縷二千四百則今尺一分之地幾容一
十八縷此必不能爲者也孔意朝服十五升冠當倍于衣不
知冠升倍衣惟朝服斬服三升冠六升則然耳禮無冠倍于
衣之例麻冕之布亦不過十五升

今也純儉吾從眾

經曰純絲也

絲易或故從儉

經曰純絲也儉謂省約縷布冠以三十升布爲之升八十

縷則其經二千四百縷矣細密雖成不如用絲之省約

經曰文引論語此文與孔注同此純之本義也鄭君注云
純黑緇也後儒謂鄭君於此讀純爲縷字古縷紉二字並行

繼布之緇本字不誤材字多誤爲純鄭君意以今之材字俗
爲純目誤本祭統以其純服正義式三闕此章以純與麻
對係義可知鄭君訓爲黑緇者言絲而兼
色非必讀爲緇也知黑者冕之延用元也

拜下禮也今拜乎上泰也雖遠厭言從下

禮記王曰臣之與君行禮者下拜然後升成
禮時臣驕泰故於上拜也今從下禮之恭也

集說臣與君行禮當拜於堂下君辭之乃升成拜泰驕慢也
○程子曰君子處世事之無害於義者從俗可也害於義則

不可
從也

集說拜下之禮見於觀禮燕禮大射儀公會大夫禮聘禮諸
篇爲詳凌次仲曰凡臣與君行禮皆堂下再拜稽首異國之
君亦如之凡君待以客禮下拜則辭之然後升成拜凌氏說
是也以觀禮言之觀之時入門立再拜稽首享之時中庭奠
幣再拜稽首升致命王撫玉亦降階再拜稽首肉袒請罪之
時入門右再拜稽首凡經曰降階曰中庭曰門右皆拜下也

其賜舍之時再拜稽首經不言其拜所是於舍門外也禮有使人致禮而下拜者郊勞時受玉則降拜還璧則降拜此未見君而拜下如齊桓受胙之例也其以客禮待之者入覲之時取圭升致命降階拜擯者延之曰升升成拜肉袒請罪後入門左王勞之再拜稽首擯者延之曰升升成拜王賜車服之時降兩階之間北面再拜稽首升成拜此皆先拜下君使人辭之復拜於堂上也以燕禮大射儀言之燕禮主人獻公之時主人自酢於公之時獻畢二人媵爵於公之時皆下階下北面再拜稽首立司正安賓之時司正升酌散亦降階再拜稽首大射儀同皆拜下也其以客禮待之者燕禮公舉媵爵爲賓舉旅行酬之時賓降西階下再拜稽首公命小臣辭賓升成拜賓媵觴于公之時公爲士舉旅行酬之時降洗升酌媵降拜小臣辭賓升成拜大射儀同此皆先拜下君使人辭之復拜堂上也燕禮公舉媵爵爲賓舉旅行酬之時公立卒解賓下拜小臣辭賓升再拜稽首賓進受虛爵降奠後升酌媵解下拜小臣辭賓升再拜稽首賓媵觴于公之時酌散下拜公降一等小臣辭賓升再拜稽首此三者皆不言成拜大射儀同據鄭君注爲拜故下下時賓未拜下不輒拜禮

殺也大射儀數獲後飲不勝者若飲公則侍射者降拜公降一等小臣正辭賓升再拜稽首此亦禮殺下不輒拜不言成拜也又燕禮大射賓腰鴈于公大射飲公凡卒數皆于階上再拜稽首者蓋燕酌飲之時已降階拜因君辭而升堂甫拜故卒酌不復再降亦殺其禮也行喪算爵之時命所賜所賜者與受爵降階下奠獻再拜稽首疏亦云禮殺故也至燕禮大射將終之時公命撤幕以盡酒卿大夫皆降西階下再拜稽首公命小臣辭公荅再拜大夫皆辟此則君雖辭之亦不復升拜鄭君曰明雖醉正臣禮也以公食大夫禮言之納賓之時賓入門左再拜稽首侑賓之後賓入門左再拜稽首其拜賜於朝拜食與侑幣皆再拜稽首注朝謂大門外此皆異國之臣行拜下之正禮也其有降拜然後升成拜者拜至之時賓升公當楣再拜賓降西階東荅拜擯者辭拜也公降一等辭曰寡君從子雖將拜興也賓栗階升不拜命之成拜階上北面再拜稽首是也有降而未拜君親辭之卽升拜者實祭正饌實祭加饌公以束帛侑賓賓皆降拜公辭賓升再拜稽首此不言成拜下未拜也客禮也以聘禮言之實觀先以臣禮見入門右北面奠幣再拜稽首上介觀及士介觀亦皆

入門右奠幣再拜稽首介送幣于中庭再拜稽首禮畢送賓
及大門內主國之君勞賓介賓介皆再拜稽首皆下拜之正
禮也其使卿郊勞受于舍門內勞者入致命賓再拜稽首其
卿致館實迎于門再拜卿致命賓再拜稽首此賓未見主國
之君重君命再拜稽首也其禮賓之時擯者進相幣賓降辭
幣公降一等辭栗階升聽命降拜公辭升再拜稽首私覲之
時賓授幣降階東拜送君辭拜也君降一等辭擯者曰寡君
從子雖將拜起也栗階升公西鄉賓階上再拜稽首此降階
未拜異國之君親辭
之即升拜也客禮也

子絕四

絕無
之盡者

朱子文集荅吳晦叔書曰絕四有兩說一說孔子自無
此四者毋即無字古書通用一說孔子禁絕學者毋得有此
四者然不若前說
之明白平易也

毋意毋必毋固毋我

毋以道爲度故不任意也用之則行舍之則藏故無與必也無可無不可故無固行也述古而不自作處羣萃而不自異惟道是從故不有其身也

毋史記作無是也意私意也必期必也固執滯也我私已也四者相爲終始起於意遂於必留於固而成於我也蓋意必常在事前固我常在事後至於我又生意則物欲牽引循環不窮矣。程子曰此毋字非禁止之辭聖人絕此四者何用禁止張子曰四者有一焉則與天地不相似楊氏曰非知足以知聖人詳視而默證之不足以記此

毋釋文意於力反陸氏以億度訓意也段懋堂曰意之訓爲測度爲記謂測度者如論語毋意毋必不億不信億則屢中其字俗作億訓記者如今云記憶是也其字俗作億式三謂意者擬度之而未定也史記梁孝王世家天子意梁王意卽擬度之辭也必者決斷之也事猶未定而存必然之見也近儒說毋必者云天下有必然之理不可有必然之心式

三謂既有必然之理當有必然之心惟事猶未定此理猶未分明故曰毋必也毋固者朱子或問所謂過而不爾者疑滯也據語錄朱子云必之時淺固之時長凡事得則喜喜不能化不得則慍慍亦不能化以此知固時久也喪我者或問所謂大同于物不私一身也無我之義所咳甚大凡人之行事舍己從人取諸人以爲善是爲無我事之既效不私功德于一己亦無我也粹氏讀齊錄曰凡自有者皆足以爲累惟聖人之心廣大光明無一毫之私累真與太虛同體也

子畏於匡

畏本作畏上从鬼頭下从虎爪會意字匡中从圭非从王以俗書相沿已久不能改

包曰匡人誤國夫子以爲陽虎陽虎嘗暴于匡夫子弟子頗尅時又與虎俱往後尅爲夫子御至匡匡人相與共讎尅又夫子容貌與虎相似故匡人以兵圍之

虎當暴于匡夫子貌似陽虎故匡人圍之

畏威也厄也謂威厄之也古畏威厄同音禮言威而不弔者三畏厭溺謂威厄不能全而輕歟也曹大家東征賦云

入匡郭而追遠兮念夫子之尼勤彼衰亂之無道兮乃困長
乎聖人是畏者威尼之也匡人威尼夫子故曰子畏于匡匡
鄭衛間邑陽虎嘗暴于匡當是定公六年侵鄆取匡公叔文
子所謂天將多陽虎之罪以斃之也然匡人之圖博因顏克
之故非必為貌似貌似之說或謂匡人解圍謝舉之飾辭未
可知也顧氏春秋大事表曰僖公十五年諸侯盟於杜耶遂
次於匡杜注匡在陳留長垣縣西南文公八年晉侯使解揚
歸匡威之田于衛杜注匡本衛邑中屬鄆孔達伐不能克今
晉合鄆歸衛論語子畏於匡即北史記孔子自匡至蒗括地
志蒲城在匡城縣北十五里今在直隸大名府長垣縣境

曰文王既沒文不枉茲子

茲从艸从茲當依說文段注餘字書多謬

集注

孔曰茲此也言文王雖已

沒其文見在此北自謂其身也

集注

道之顯者謂之文蓋禮樂制度之謂不

曰道而曰文亦謙辭也茲此也孔子自謂

集注

文典籍之文也先王所以治天下者三道所以載道者

文夫子云述而不作述斯文即述斯道也先王之道傳于亂

世者祇是偏迹而全者在文夫子得之也自程門分文與道爲二注因以不言道爲謙詞然經意是自任不是自謙之時朱子答陳安卿書言之矣朱子藏書閣記曰天理民彝自然之物則其大倫大法之所在固有不依文字而立者然古之聖人欲明是道於天下而取之萬世則是精微曲折之際非託於文字不能以自傳

天之將喪斯文也後死者不得與於斯文也天之未喪斯文也

匡人其如予何

集註孔曰文王既沒故孔子每謂後死者言天將喪斯文也本不當使我知之今使我知之未欲喪也馬曰如予何者猶言柰我何也天之未喪斯文也則我當傳之匡人欲柰我何言其不能違天以害己也

集註馬氏曰文王既沒故孔子自謂後死者言天若欲喪此文則必不使我得與於此文今我既得與於此文則是天未欲喪此文也天既未欲喪此文則匡人其柰我何言必不能違天害己也

後死者謂後己而死者言天死己于匡人是天將喪斯
文矣後己而死者何由知斯文乎以是知天意之決不然而
匡人之不能害己也

大宰問於子貢曰夫子聖者與何其多能也

孔曰大宰大夫官名也或吳或宋未
可分也何其多能疑孔子多能於小藝也

孔氏曰大宰官名或吳或宋未可
知也與者疑詞大宰蓋以多能為聖也

春秋列國有大宰左氏隱公十一年傳羽父求大宰魯
也桓公二年傳督為大宰成公十五年傳向帶為大宰宋也
成公十年傳大宰子商十六年傳大宰伯州犂昭公元年傳
遠啓疆為大宰二十一年傳大宰如楚也昭公元年傳趙孟
曰武請於冢宰襄公十一年傳使良霄大宰石葵如楚皆將
服于晉鄭也定公四年傳伯州犂之孫駘為吳大宰以謀楚
吳也據釋文鄭君以為吳大宰者哀公七年季康子使子貢
辭駘之名十二年夏公使子貢辭駘之孫駘秋子服景伯請

子貢脫衛侯又史記子貢嘗南適吳又說苑卷說篇有子貢見大宰嚭嚭問孔子之語故先儒多從鄭君注以大宰屬吳也然列子仲尼篇有商大宰問孔子之文韓非說林又有孔子見商大宰事故孔注云或吳或宋閻百詩據檀弓陳大宰嚭使子師謂此經當是陳大宰式三編檀弓此文傳寫錯謬見洪氏隨筆大宰嚭固吳之官也大宰之問注疏家謂聖人宜務大忽小大宰疑其多能于小藝此說與下節知我之文爲合皇疏引樂職說云大宰見多能而疑爲明集注同樂是以前才讀精至謂之聖也洪範言五事聖與肅又哲謀並列言庶徵則聖與蒙對又方作聖與作狂對秦誓入之彥聖謂禮大德知仁聖義忠和以教萬民皆並列諸文中詩曰母氏聖善又曰人之齊聖飲酒溫克又曰或聖或否春秋傳僂入禮曰齊聖廣淵又稱臧武仲爲聖鄉飲酒義曰俎豆有數曰聖聖立而將之以教曰達此類皆是也聖之名自夫子贊易以暨論語之文別加推闡後儒始知聖義獨大孟子亦尊言聖然以伯夷爲隘而曰聖之清以柳下惠爲不恭而三聖之和此以偏造其極者爲聖後世有草聖書聖茶聖木聖凡曲藝中亦有聖名此以一藝造極僂之爲聖也詳見王氏學林洪

氏容齋三筆王氏尚書後案段氏文集與說文注然則注家謂大宰以多能為聖於義亦通特未得盡夫子之聖耳

子貢曰固天縱之將聖又多能也

爾雅孔曰言天固縱之

大聖之德又使多能也

爾雅縱猶肆也言不為限量也將殆也謙若不敢知之謂聖聖不為多能乃其餘事故言又以兼之

爾雅孔訓將為大以固天縱之將聖耳句集注訓將為殆先儒謂當讀固天縱之為句將聖又多能也為句自古聖人得天取厚生是使獨其精純神化固不易及即一事一物創建以貽後世皆非凡人意計所及者天為之也夫子之多能與眾迥異固天縱使然矣大宰之間以多能為聖歟抑聖之不必多能歟端木氏荅之以聖又多能皆由天縱不待較辨大宰而多能與聖之分與合係然分爾此為聖門言語之選

子聞之曰大宰知我子吾少也賤或參能鄙事君子多乎說不

多也

子曰我少小貧賤常自執事故多
能為鄙人之事吾子固不常多能也
言由少賤故多能而所能者鄙事爾非以聖而無不
通也且多能非所以率人故又言君子不必多能以曉之
鄙事四字連讀

牢曰子云吾不試故藝

子曰牢弟子子牢也試用也
言孔子自云我不見用故多使藝

牢孔子弟子姓季字子開一字子張試用也言由不為
世用故得以習於藝而通之。吳氏曰弟子記夫子此言之
時子牢因言筭之所聞有如此者其意相近故并記之

陳氏古訓曰王肅家語叙云牢曰子云吾不試故藝談
者不知為誰多疑為之說孔子家語弟子有季優一名牢字

子開亦字張衡人也。意云談者即指鄭氏夫論語記弟子不遠稱名。漢白水經。手張琴。半判爲二人。肅臆說不足信。

子曰吾有知乎哉。無知也者。問於我。空空如也。我叩其兩

端而竭焉。

學文空空。本作空。空。

知者知意之知也。言知音言未必盡。今我誠盡也。孔曰有鄙夫來問於我。其意空空。然我則發事之終始。兩端以語之。竭盡所知。不爲有盡也。

孔子言己無知識。但其告人。雖于至愚不敢不盡。耳而發動也。兩端猶言用頭言終始。本末上下。精粗無所不盡。程子曰。聖人之教人。俯就之若此。猶恐人以其爲高遠而不親也。聖人之道。必降而自卑。不如此則人不親。賢人之言則引而自高。不如此則道不立。都於孔子孟子則可見矣。尹氏曰。聖人之言。上下兼盡。即其近眾人。皆可與知。極其至則雖聖人亦無以加焉。是之謂兩端。如答樊遲之問。仁知兩端。竭盡無餘蘊矣。若夫語上而遺下。語理而遺事。豈聖人之

哉言

問空空如自言心之虛也承人之問不以己見先爲主苟
子云不以所已藏害所將受謂之虛也叩反詰之也兩端所
問之兩端也逸周書云疑意以兩是也李安溪曰凡人必有
兩端故疑而問叩者推究以發其所疑之兩端也焦里堂曰
鄙夫來問必有所疑惟有所疑斯有疑也故先叩發其兩端
謂先還問其所疑而後卽其所疑之兩端而窮達其意使知
所向焉

子曰鳳鳥不至河不出圖吾已矣夫

釋孔曰聖人受命則鳳鳥至河出圖今天喪
此瑞吾已矣夫耆傷不得見也河圖八卦是也

圖鳳靈鳥舜時來儀文王時鳴於岐山河圖河中龍馬負
圖伏羲時出皆聖王之瑞也已止也張氏曰鳳至圖出文明
之祥伏義舜文之瑞不至
則夫子之文章知其已矣

據漢書董子引此經而申之曰自悲可致此物而身卑
賤不得致也後漢梁冀傳袁著奏其亦引經云自傷卑賤不
能致也徐楚金說文繫傳瑞字下以慶星瑞鳳非佳瑞歐陽
五代史以王建據蜀龜龍鳳麟騶虞畢出于其國故其世家
論亦以鳳凰之至或出於庸君穆政之時不足為瑞二說不
信符瑞矯枉過正式三謂鳳為神鳥見于經傳者甚顯史書
記亂世之有鳳俗亂世之生聖賢而此經所言自指國興之
祥語不相害也河圖孔以為八卦者易繫辭傳河出圖洛出
書聖人則之後儒以圖書並言符瑞本此也漢書五行志載
劉歆之言曰應璩氏遷天而王受河圖則而畫之八卦是也
禹治洪水賜洛書法而陳之洪範是也劉歆以圖為八卦與
孔同李鼎祚集解引鄭君注河圖有九篇洛書有大篇曰六
篇則不止九疇曰九篇自不止八卦意八卦九疇圖書之本
文九篇六篇圖書之說義即書傳所載古帝王如黃帝堯舜
禹湯皆受河圖據墨子非攻篇周文王時河出籙圖沈約宋
書符瑞志周公攝政青龍銜元甲之圖則周家世受河圖不
止虛損畫卦之圖後儒圖書之論紕繆既多而矯
之者如歐陽永叔以圖書之經并繫辭傳不信矣

子見齊衰者，冕衣裳者，卑聲者，見之雖少，必作過之，必趨。

七經攷文

曰一本齊作齋，按齋，祔正字齊。

齊借字，宋石經題作趨，俗字。

趨疾行也。此夫子哀有喪尊在位恤不成人也。

齊衰，喪服，冕冠也。衣上服，裳下服，冕而衣裳，貴者之盛。

服也。替，無目者作起也。趨疾行也。或曰少當作坐。○范氏曰：

聖人之心，哀有喪尊有賢，矜不成人，其作與趨蓋有。

不期然而然者。尹氏曰：此聖人之誠心，內外一者也。

顏淵喟然歎曰：仰之彌高，鑽之彌堅，瞻之在前，忽焉在後。

焉，那。

本作

然前當作辨，說文：剗齊斷。

也。俗以前代弄遂造剪字。

彌，聲彌，彌，堅，言不可窮盡。

也在前在後，言恍惚不可為形象也。

不可為象，此顏淵深知夫子之道無窮盡，無方體而款之也。

不可為象，此顏淵深知夫子之道無窮盡，無方體而款之也。

仰之彌高者凡人登崇岡峻嶺必賴有指導所由者爲之先使之亦步亦趨指引于無盡否則或循麓而行或半途而返徒切仰止之慕也鑽之彌堅者凡物必得其理解之處而後入之易深莊子言庖丁解牛批郢導窾依乎天理因其固然否則嘗繁而歲更刀嘗剽而月更刀入道之未易鑽是也瞻之在前忽焉在後者瞻之句在前忽焉在後句凡事必有一中節則近而後則不及苟非學力之至或參以疑似之心而適成其游移之見也仰之而無以踰道之極鑽之而無以入道之深鑽之而無以定道之方顏子其言學聖之難如此明善誘之所以善也李安溪謂顏子言此如周公之不合仰思夫子之發憤忘食亦是一義或以此爲懸論聖人之道則本文仰鑽瞻非學者仰之鑽之瞻之而何

夫子循循然善誘人博我以文約我以禮欲罷不能既竭吾之

如有所立卓爾雖欲從之末由也已

循循後進也卓卓然有三人志步隨傳俱引作恂恂也

也字

集說循循次序貌誘進也言夫子以此道勸進人有次序也
孔曰言夫子既以文章開博我又以禮節節約我使我欲罷
而不能已竭我才矣其有所立則又卓然不可及

言已雖蒙夫子之善誘猶不能及夫子之所立也

集說循循有次序貌誘引進也博支約禮教之序也言夫子
道雖高妙而教人有次序也侯氏曰博我以文致知格物也約
我以禮克己復禮也程子曰此顏子得聖人取切當處聖人
教人惟此二事而已卓立貌末無也此顏子自言其學之所
至也蓋悅之深而力之盡所見益親而又無所用其力也吳
氏曰所謂卓爾亦在乎日用行事之間非所謂窮冥昏熟者
程子曰到此地位功夫尤難直是峻絕又大段著力不得揚
氏曰自可欲之謂善充而至于大力行之積也大而化之則
非力行所及矣此顏子所以未達一閒也。程子曰此顏子
所以爲深知孔子而格學之者也胡氏曰喪上事而喟然歎
此顏子學既有得故述其先難之故後得之由而歸功于聖
人也高堅前後語道體也仰鑽瞻忽未領其要也惟夫子循
循善誘先博我以文使我知古今達事變然後約我以禮使
我尊所聞行所知如行者之赴家食者之求飽是以欲罷而

不能盡心盡力不少休廢然後見夫子所立之卓然雖欲從之末由也已是不怠所從必求至于卓立之地也抑斯歎也其在請事斯語之後三月不違之時乎

如有所立卓爾近儒因注云所見益親遂謂借卓為焯卓爾者灼見之詞依古注所立卓爾四字連讀俗言卓然獨立也如者轉語謂而也苦也卓爾高貌鄭君注以為絕望之詞言我既竭力于博約矣若聖道之卓然獨立者吾欲從末由也皇邢二疏畧同于文為順且書中凡言卓犖卓犖皆足殊絕之稱楊子法言學行篇曰顏苦孔之卓之至也釋楊氏本義亦以卓爾為殊絕之解注引程子曰直是峻絕此本古注也欲從末由注引楊說云未達一閒本于楊子法言問神篇其以未達在大而化之者張子曰大可為也化不可為也程子曰顏子未至於聖人者守之也非化之也是楊說所本式三謂欲從末由即在博文約禮之中耳文可博而精之為雖夫子之刪訂贊修游夏不盡喻其意德行科之大賢未必如文學科之有博長是以歎夫子之文不可及也禮可約而化之為難顏子從事于禮雖言動莖勉之非化之也觀鄉黨

記聖德不越恭寧之風屬恭寧曰時也之氣所化
至命者在此所屬神知化者在乎夫子之行禮之可及
也

子疾病子路使門人弔臣

包曰疾甚曰病鄒三孔子等

大夫故子路欲使弟子行其臣之禮

夫子時已去位無家臣子路欲以家臣
之禮弔其意實尊聖人而未知所以尊也

病間三久矣哉由之行詐也燕臣而為有臣吾誰欺欺天子

包曰病少差曰間久矣行

詐言子路有臣心非惟今日也

包曰病間少差也病時不知既差乃知其事故言我之不嘗

有臣臣人皆知之不可欺也而為有臣則臣欺天而臣人而

欺天莫大之罪引以

自歸其責子路深矣

使門人爲臣欲使門人治室則版依君臣體也禮斷於
之服心喪三年若臣之服斬衰三年此所以使爲臣而得伸
其情也禮雖服斬衰章既言請爲天子又言君臣之體諸
侯家相邑宰之於大夫及諸侯大夫之視臣若斬衰三年經
又曰公士大夫之視臣爲其君布帶繩屨經明訪臣之所喪
三年同其帶屨異也公士公之士非卿也大夫之衆臣非家
相邑宰也既非貴臣帶屨言其欲特別之也然此經臣體
者皆之地而得君也傳曰君親有地者也傳謂大夫之視臣
地者禮不得用君臣體也夫子爲魯大夫門人嘗爲之臣夫
子自言無臣者非有地得君之例而使之有臣是無臣而爲
有臣也欺天罷
逆天之命也

且予與其死於臣之手也無寧死於二三子之手乎且予縱不

得大葬予死於道路乎

葬於死
从葬

子曰齊甯爾也二三子門人也就使我有臣而死其手
我甯以於弟子之手乎孔子曰大甯言臣體葬也馬曰就使我

不得以君臣之禮葬有三

子在我情常要棄于道路乎

賈無甯甯也大葬謂君臣禮葬於干道路謂棄而不葬又
曉之以不必然之故。范氏曰：曾子將起而負簣曰：吾得
正而斃焉，斯已矣。子路欲尋夫子而不知，無臣之不可為有
臣，是以陷於行詐罪，至欺天君子之於言動雖微不可不謹。
夫子演懲子路所以警學者也。楊氏曰：非知至而意誠則用
何自私不知行其所無事，往往自陷於行詐欺天而莫之知
也。其子路之謂乎。

子貢曰：有美玉於斯，韞匱而藏，請求善賈而沽。諸子曰：沽之哉。

沽之哉，我待賈者也。

說文貝部，設注曰：漢石經論語求善賈而。賈，賈賈今作沽者，假借字也。引申之，凡賣者

之所得買者之所出皆曰賈，俗又別其字作價，別其音入禍韻，古無是也。

韞匱馬曰：韞，藏也。匱，匱也。謂藏諸匱中，出沽賣也。得善賈甯
肯賣之。那包曰：沽之哉，不街賣之辭也。我居而待賈者也。

韞韞藏也。匱匱也。沽賣也。子貢以孔子有道不仕故設此二端以問也。孔子言固當賣之但當待買而不當求之耳。范氏曰君子未嘗不欲仕也又惡不由其道士之待禮猶五之待賈也。若伊尹之耕於野伯夷太公之居於海濱世無成湯文王則終焉而已必不枉道以從人銜玉而求售也。

韞馬注韞訓藏。鄭君注韞裹也。謂包裹納匱也。詩小宛孔疏引舒環曰包裹曰蘊。蘊與韞同。既韞且匱。猶弓之有韞劍之有衣。皆在匱之內也。求擇也。非銜賣之謂也。姚秋農釋端木氏史得賈貶道干時之請以夫子之不仕迹疑于藏故以爲請耳。夫子言沽之言待買自爲問答之辭不銜賣亦非恥藏也。

子欲居九夷

馬曰九夷東方之夷有九種

東方之夷有九種欲居之者亦乘桴浮海之意

羅泌國名記引逸語云子欲居九夷從風嬉言風遇

亂則偕居九夷小徐說文繫傳鳳字下亦有此說說文羊部

范字下云南方蠻閩从虫北方狄从犬東方貉从豸西方羗从羊此異種也西南獫狁人僬僂从人莖在坤地頗有順理之性惟東夷从大大人也夷俗仁仁者壽有君子不歎之國孔子避不行欲之九夷乘桴浮于海有以也計說東夷之風俗如此漢書地理志曰東夷天性柔順異于三方之外故孔子悼道不行設桴于海欲居九夷又後漢書東夷傳曰仁而好生天性柔順易以道御有君子不歎之國有九種曰貳夷干夷方夷黃夷白夷赤夷元夷風夷陽夷故孔子欲居九夷也諸說皆與許說符劉原父云九夷在徐州莒魯之間呂伯恭又引史記惠王用張儀南取漢中包九夷制郢郢戰國策張儀曰楚破南陽九夷內附許鄆陵危期孔子嘗至陳蔡去九夸不遠此別一說

或曰陋如之何子曰君子居之何陋之有

馬曰

君子所居則化

馬曰

君子所居則化何陋之有

子曰吾自衛反魯然後樂正雅頌各得其所

國語曰反魯魯哀公十一年冬也是時道喪
樂廣孔子來還乃正之故曰雅頌各得其所

樂亦頗殘缺失次孔子周流四方盡互攷証以知其說晚知
道終不行故

歸而正之

雅頌得所即是樂正鄭君注如此甬上全氏曰正樂之
條目多有正其僭者如宮懸不應用于諸侯曲懸不應請于
大夫舞八佾歌雍皆是也有正其有司之失傳者如大武之
聲淫及商是也有正其節奏之紊者如翕純敔繹之條理是
也有正其聲而黜之者如鄭肅齊宋四聲以及北鄙殺伐之
聲是也有正其容者如大武之致右憲左是也有正其器者
如吹韶必以首山之竹龍門之桐是也有正其名者如大武
之樂據國語伶州鳩說別有四名疑其不可爲據是也而取
大者在雅頌之得所全氏以正詩乃正樂中之一事也全氏
又博引經傳以証雅頌之失所近時文人采摭者不可不
辨全氏所據者一則以大戴禮舉雅詩二十六篇言鵠巢四
詩南混于雅言白駒則變雅混于正雅言伐檀則變風混于

正雅言齊商七篇商者五帝之遺聲齊者三代之遺聲何以亦指爲雅是爲雅之失次也不知經傳中以雅鄭對言之則正聲爲雅投壺所指是也且投壺篇本文曰凡雅二十大篇句其八篇可歌逕歌鹿鳴豳首鵲巢采芣采蘋伐檀白駒騶虞八篇句廢不可歌凡篇句商齊可歌也三篇句聞歌史辟史義史見史童史謗史實拾聲獻挾句全氏所引脫去史辟以下十六字誤襲困學紀聞語未審句讀金輔之辨之矣全氏又引葉少蘊說謂吳札觀樂以大雅爲文王之德小雅爲周德之衰則是板蕩等詩凡變雅皆誤合爲小雅鹿鳴伐木等詩凡正雅皆誤合爲大雅此又全氏之大誤也傳云周際之衰杜注喪小也此周德尚小之詩訓衰爲小義亦可通而以訓大爲正詳見後篇接輿章孔疏云服虔以此爲變小雅服氏意以爲小雅篇多上閉歌其詩之一二季札評所聞據傳云猶有先王之遺民此說亦通而謂板蕩等詩誤合小雅真臆說矣蓋以左傳言之如魯享脩武子之用彤弓晉享叔孫穆子之以肆夏文王又魯以禘樂享賓此皆用雅頌之失所者楚莊述大武之三章曰賁六章曰桓卒章曰武杜注謂是楚樂歌之次第此疑雅頌之失所者其他影響附會之談

徒爲時文家取材者豈可引爲經據哉至雅頌得所之攷讀者亦宜分析式三謂各得其所定其體之分辨其用之異而已詩之分體者何頌者天子所制郊廟之樂歌美盛德之形容以其成功告于神明魯頌主詠僖公功德亦用于魯廟者也臣工遺于廟噫嘻以祈穀可爲頌不可爲雅者以其爲祭祀而作也雅爲朝廷獻替之詩書王政之所由廢興其有大雅者正大雅所陳受命作周伐殷繼代荷先王之福祿尊祖考以配天此歌述道德之大而近于頌者爲大體正小雅所陳飲食賓客賞勞群臣遣使睦鄰秉鉞專征歌其事功之一端而近于南幽者爲小體詩體既殊樂音亦異大序所謂政有大小者也其變雅之作用大雅之音者屬之大雅用小雅之音者屬之小雅不復由政之大小象山姜氏曰豈有大小以正雅言之周公之所定也據音以定大小以變雅言之史官之所由分也正大雅稱文武成王之修德擬命而大綱大紀喪不并包故同一求賢而卷阿之彌性主百神而嗣先公自大于小雅之得賢才而燕享矣同一稱願而既醉之太平進以高朗令終自大于蓼蕭湛露之同樂矣詩無優劣義有偏全也蓋詩之本體如此詩之異用者何約鄭君孔氏說

以言之樂之制天子用頌與大雅諸侯用小雅大夫用鄉樂此用樂之正燕禮爲諸侯之禮云遂歌鄉樂以見諸侯之用小雅爲正鄉飲酒爲大夫賓興之禮云乃合樂周南召南注言鄉樂以見大夫之用鄉樂爲正鄉射禮合樂周南召南注言不至不歌不閒志在射畧于樂不畧合樂者風鄉樂也不可畧其正大射諸侯之禮其經曰乃歌鹿鳴三終乃下管新宮三終亦不笙不閒不合樂明亦略樂不略其正是鄉樂爲大夫之樂小雅爲諸侯之樂于是明矣而大雅頌爲天子之樂可知然而享賓或上取者天子享元侯歌肆夏合文王享諸侯歌文王合鹿鳴蓋歌者在上其合樂在堂下故降于升歌一等鄉飲酒燕禮合樂皆降于升歌歌鹿鳴合樂是也燕實或下就者天子諸侯燕羣臣及聘問之賓皆歌鹿鳴合鄉樂是不用大雅也或曰肆夏繁遏渠宗廟及配天之詩左傳云享元侯用之文王之三國家受命之詩而傳云兩君相見用之三豈雅哉夫子所讀而燕居篇記孔子之言曰兩君相見升歌清廟下管象武客出以雍撤以振羽因以知春秋之禮非古而禮經殘缺踳多不可信且據燕禮云若舞則勺是諸侯之于臣得用勺何也曰三夏之說不可攷客出以

雍或取辟公獻雍之義而節歌之燕禮之用勺或專用其變
不用頌詩清廟振羽所謂上取者耳或又曰雅頌之得所辨
之詳矣而此章不言風諸經不及變雅所用得毋變詩非樂
乎曰攷左傳季札觀樂詩無不入樂者大戴禮投壺言八篇
可歌而列舞風之伐檀淇水杜夔能記雅樂位檀亦與文王
鹿鳴騶虞同歌荀子云詩者中聲之所止太史公謂詩三百
篇夫子皆絃歌之以來合于韶武之音安見變詩之不入樂
而專以南籥雅頌爲四詩乎善六孔仲遠之言曰變雅雖亦
播于樂或無算爵之節所用或隨事類而歌又
在制禮之後樂不常用也蓋詩之異用者知此

子曰由則事公卿入則事父兄喪事不敢不勉不爲酒困何有
於我哉

馬曰困亂也

說見第七篇然此則其事愈卑而意愈切矣
何有於我言不難
於白屋也幾見道而篤

子在川上曰逝者如斯夫不舍晝夜

原注鄭曰逝往也言

凡往者如川之流也

原注天地之化往者過來者續無一息之停乃道體之本然也然其可指而易見者莫如川流故於此發以示人欲學者時時省察而無毫髮之間斷也程子曰此道體也天運而不已日往則月來寒往則暑來水流而不息物生而不窮皆與道爲體運乎晝夜未嘗已也是以君子法之自強不息及其至也純亦不已焉又曰自漢以來儒者皆不識此義此見聖人之心純亦不已也純亦不已乃天德也有天德便可語王道其要只在謹獨愚按自此至終篇皆勉人進學不已之辭

原注逝流行也曰逝者言凡逝者也曰如斯夫言凡流行者如斯也九字爲句逝者二字畧逗此以水之不息明天地氣化之流行欲學者有至誠喪息之功也外注程子以慎獨言者人不慎獨則隱微中有所間斷能慎獨然後無間斷許敬軒言人心有一息之怠便與天地之化不相似又言大事謹而小事不謹則天理卽有間斷處與程子意正合朱子云時

時省察正欲學者合顯微大小喪一或怠斯動靜皆合宜也
意較程子爲略矣後儒中程子說謂聖人全動靜之德常本
于靜非注中引程子本旨且程子所謂慎獨豈必心中寂然
無事後儒言靜必於寂滅則求自息而已於此章尤相悖詩
云維天之命於穆不已鄭箋命穆道也天之道動而不止行
而不已孔正義曰易繫辭曰往則月來暑往則寒來乾卦象
天行健君子以自強不息是天道不已之事式三謂詩之箋
疏足以援証此章張茂先勵志詩逝者如斯曾無日夜嗟謂
庾士胡甯自舍深得此經本義程子謂漢以來
儒者不識此義而後儒遂求之過深失之矣

子曰吾未見好德如好色者也

集註疾時人薄于德而厚于色故發此言

集註謝氏曰好好色惡惡臭誠也好德如好色斯誠好德矣
然民鮮能之。史記孔子居衛靈公與夫人同車使孔子爲
大車招搖市過之孔
子醜之故有是言

子曰譬如爲山未成一簣止吾止也譬如平地雖覆一簣進吾往也

集解包曰簣土籠也此勸人進於道德也爲山者其功雖已多未成一籠而中道止者我不以其前功多而善之也見其志不遂故不與也馬曰平地者將進加功雖始覆一簣我不以其見功少而薄之也據其欲進而與之也

集解黃土籠也書曰爲山九仞功虧一簣夫子之言蓋出于此言山成而但少一簣其止者吾自止耳平地而方覆一簣其進者吾自往耳蓋學者自道不息則積少成多中道而止則功盡棄其止其往皆在我而不在人也
集解今論語本簣字从竹有荷簣之黃从艸說文黃艸器古文論語作吏而無从竹之黃字漢書何武諸傳贊以一黃噲江河注黃橫艸爲器所以盛土是包注黃謂土籠卽是黃字又禮樂志引論語未成一匱王莽傳綱紀成張成不一匱顏氏兩注俱云匱者織艸爲器所以盛土是黃又通作匱匱假借字黃讀字吾止吾往吾猶己也集解誤

子曰語之而不惰者其回也與

情當作情正字也情或字見說文

原顏淵解故語之而不惰餘人不解故有情語之時

集情懈怠也范氏曰顏子聞夫子之言而心解力行造次顛沛未嘗違之如萬物得時雨之潤發榮滋長何有於情此羣弟子所不及也

原何注以情指語者言解教之歸諄而不嫌其煩瑣者惟此心解之回也

子謂顏淵曰惜乎吾見其進也未見其止也

集馬曰孔子謂顏淵

進益未止痛惜之甚

集進止二字說見上章顏子既成

而孔子惜之言其方進而未已也

集學貴乎不止禿者之速也而過二里止步者之遲也而百里不止必也步者若而走者後矣况以顏子之敏而久不

止豈不幾
于聖哉

子曰苗而不秀者有矣夫秀而不實者有矣夫

孔曰言萬物有生而
不育成者喻人亦然也

穀之始生曰苗吐莠曰秀成穀曰實蓋學
而不至于成有如此者是

以君子貴自勉也
顏氏家訓云學者猶種樹也弄玩其華秋登其實
論
文章春華也修身利行秋實也顏氏戒浮士無行亦一義邢
疏云此亦以痛惜顏子而發近翟瞿江廣為引證云此說自
漢迄齊梁相沿已然以喻短折之可惜也式三謂優顏子為
不實未免不倫然以此為痛惜之辭未為不通也葉正則曰
苗而秀秀而實則民命常禾矣天也雖然其不秀者固嘉種
非根莠也其不實者固良稼非穉穉也
賤之以水旱而不使至于穀亦天也

子曰後生可畏焉知來者之不如今也四十五十而無聞焉斯

亦不足畏也已

後生

年少

孔子以後生年富力強足以積學而有待其勢可畏安知其將來不如我之今日乎然或不能自勉至于老而無聞則不足畏矣言此以警人使及時勉學也曾子曰五十而不以善聞則不聞矣蓋述此意。尹氏曰少而不勉老而無聞則亦已矣自少而進者安知其不至于極乎是可畏也

後生此欲後生之惕于來者也來者後日也今即可畏之乎口也焉知來者之不如今儆其不豫知也無聞不能聞道也言後生之可畏誠以來日之富矣而日復一日來日不長焉後生即不如今日之可畏當其為後生時曷嘗豫知之然四十五十而于邁卒未有聞斯無復來日之可俟復誰畏之後生可不豫惕哉皇疏今指我今日之師徒邢疏指我之今日皆未是

子曰法語之言能無從乎改之爲貴與與之言能無說乎繹之爲貴說而不繹從而不改吾末如之何也已矣

釋 孔曰人有過以正道告之口無不順從之必能自改之乃爲貴也馬曰巽恭也謂恭孫謹敬之言聞之無不說者能尋繹行之乃爲貴也

法語 法語者正言之也巽言者婉而導之也繹尋其緒也法言人所敬憚故必從然不改則面從而已巽言無所乖忤故必說然不繹則又不足以知其微意之所在也○楊氏曰法言若孟子論行王政之類是也巽言若其論好貨好色之類是也語之而不達拒之而不受猶之可也其或喻焉則尚庶幾其能改繹矣從且說矣而不改繹焉則是終不改繹也已雖聖人其如之何哉

繹 語告也巽恭也武氏經頤考巽以吾末如之何也爲句已矣爲句已止也末如之何則止不復言也

子曰主忠信毋友不如己者過則勿憚改

集注慎其所主所友有過務改皆所以爲益者也
集注重出而遺其半

子曰三軍可奪帥也匹夫不可奪志也

集注孔曰三軍雖衆人心不一則其將帥可奪而取之匹夫雖微苟守其志不可得而奪也

集注侯氏曰三軍之勇在人匹夫之志在己故帥可奪而志不可奪如可奪則亦不足謂之志矣

集注匹夫獨夫也皇都二說以夫婦相匹言說文匹字下段注曰束帛之制二端爲兩每一兩爲一匹凡言匹敵匹耦皆於二端成兩取義凡言匹夫匹婦於一兩爲匹取義段說是也奪卽今之脫字也正字作敝卽佩巾也正字作銜皆見說文注亦字義之當攷者後漢書李陳歷陳橋傳論引此經注引鄭君注曰匹夫之守志重于三軍之死將者也陳仲魚曰必如鄭說方見三軍與帥別若餘人說竟似三軍卽帥矣陳說亦悖

子曰衣敝緼袍與衣狐貉者立而不恥者其由也與

緼 孔曰

緼 泉著也

狐貉 做壞也。緼泉著也。袍衣有著者也。蓋衣之賤者。狐貉以其心而可以進于道矣。故夫子稱之。

緼 王藻續為蘭。緼為袍。據鄭君注。蘭與袍衣有著之異名。是袍為衣之有著者。與孔注同也。鄭君禮注以緼為舊絮。此章鄭君注云。緼絮也。與孔訓泉著異。皇疏碎麻為緼。故絮亦曰緼。皇意以二說各有所本。可說。文衣部曰。以絮曰蘭。以緼曰袍。糸部曰。續絮也。緼。綿也。緼。亂泉也。許意以絲絮不分。新舊統謂之續。亂麻則謂之緼。漢書制通傳束緼以繫注。以緼為亂麻是也。許與孔注合。以孔許為長。何義門謂泉麻為袍。著之以絮。不知緼袍是以泉著而名。非以泉布為名。何說不從。

不伎不求何用不臧

馬曰伎害也臧善也言不伎害不
貪求何用爲不善疾貪惡伎害之詩也

集伎害也求貪也臧善也言能不伎不求則何爲不善乎
此衛風雄雉之詩孔子引之以美子路也呂氏曰貧與富交

强者必伎
弱者必求

何用不臧者貧富不相親觀可以處人可以持己也韓
詩外傳卷一兩引此詩其一云智者不爲非其事廉者不求
非其有與此引經之義相符其一云德義囑于中而無外求
也則又深言之也近儒因下言何足以臧遂謂詩言可以至
臧非已至于
臧與詩旨戾

子路終身誦之子曰是道也何足以臧

馬曰尚復有美
于德者何足以爲善

集注終身誦之則自喜其能而不復求進于道矣故夫子復言此以警之。謝氏曰恥惡衣惡食學者之大病善心不存蓋由于此子路之志如此其過人遠矣然以眾人而能此則可以爲善矣子路之賢宜不止此而終身誦之則非所以進於日新也故激而進之

集注終身誦之佩服古訓惟恐技術之偶起於心也是道也句法與是禮也同言此固道也道則藏矣曰何足以藏傲其不可以此自足也經中言何足有何可何竟二義竟亦終此之義此嚴鐵鑄說也是也孔彛軒以不悛不朮下爲則一意子路誦此二語猶南容三復白圭之意而夫子進之也此又一義

子曰歲寒然後知松柏之後凋也

那本作彫
以皇爲正

集注大寒之歲眾木皆凋然後知松柏之少凋傷平歲則眾木亦有不凋者故須歲寒而後別之喻凡人處治世亦能自修整與君子同在濁世然後知君子之正不苟容也

范氏曰小人之在治世或與君子無異惟臨利害遇事
變然後君子之所守可見也謝氏曰士第見節義世亂識忠
臣欲學者
必用于德

李安溪曰此章比喻者廣然當亂世而能守先待後者
取用似不白不凋而云後凋者松柏未嘗不凋但其凋也後
舊葉未謝而新枝已繼前所謂無不爾或承者是也道之將
廢自聖賢之生不能回天而易命但能守道而不與時俗同
流則其緒有傳而其風
有繼也李說別優一義

子曰知者不惑仁者不憂勇者不懼

包曰不惑不惑
亂也不憂不憂患也

明足以燭理故不惑理足以勝私故
不憂氣足以配道義故不懼此學之序也

注云理足以勝私者憂生於私仁者足以勝之也仁者
克己使人於一己化倚奪之心為一世消忌欺之術道路皆

蕩平自無崎嶇偏側之憂也董子繁露曰仁者惜怛愛人謹
身不爭好惡敦倫無傷惡之心慙隱忌之志無嫉妒之氣無
戚恐之欲無險詖之事無辟違之行故其心舒其志平其氣
和其欲節其事易其行道董說足也然不憂不懼非謂當憂
懼者亦淡然置之也聖人無惑聖人未嘗絕
憂懼或於此有心迹之判說本文中子非也

子曰可與共學未可與適道可與適道未可與立可與立未可

與

權權術字銓權之借平者用木取者用金故銓爲正字權爲借字權之本義爲木名

集註適之也雖學或得異端未必能之道也雖能之道未必
能有所成立也雖能有所立未必能權量其輕重之極也
集註可與者言其可與共爲此事也程子曰可與共學知所
以求之也可與適道知所往也可與立者篤志固執而不變
也權稱錘也所以稱物而知輕重者也可與權謂能權輕重
使合義也○楊氏曰知爲己則可與其學矣學足以明善然
後可與適道信道篤然後可與立知時措之宜然後可與權
洪氏曰易九卦終於巽以行權權者聖人之大用未能立而

言權俗人未能立而欲行鮮不仆矣程子曰漢儒以反經合道爲權故有權變權術之論皆非也權只是經也自漢以下無人識權字愚按先儒誤以此章連下文偏其反而爲一章故有反經合道之說程子非之是矣然以孟子嫂溺援之以手之義推之則權與經亦當有辨

程子戴東原曰同一所學之事試問何爲而學其志有去道甚遠者矣亦祿利聲名者是也故未可與適道道費于身不使差謬而觀其中道能不見奪者寡矣故未可與立雖守道卓然知常而不知變由精義未深所以增益其心知之明使之全乎聖智者未之盡也故曰未可與權戴氏剖析極明其以盡乎心知之明爲聖智者本孟子始終條理之說也後人或據筆解以經文傳寫錯倒大謬

程子又曰公羊桓公十一年傳權者何反乎經然後有善者也程子駁之朱子則云湯武之誅桀紂周公之誅管蔡豈不是反經雖反經自合道式三謂經傳言權有二義孟子言權然後知輕重言執中無權此權或常變言也言嫂溺援手以

權對經言也此以權對立亦以權衡事變而言凡事勢至于不能兩全審其至重者而爲之是謂之權立者事有一是一非而能固守其一是也權則審度于兩是不並存之時而取其至重者也孟子言執一無權之舉一廢百謂舉輕而舍其重者能權則舉百而廢一其廢者迫于不得已而舉者重矣筆解謂經權之權非權量之權不知經權之權正爲權量輕重之義也陸敬輿曰權取義權衡權在于衡則物之多少可準權施于事則義之輕重不差其趨理也必取重而捨輕其遠禍也必擇輕而避重

唐棣之華偏其反而豈不爾思寔是遠而

釋逸詩也唐棣移也萼反而後合賦此詩者以言權道反而後至于大順也思其人而不得見者其室遠也以言思權而不得見者其道遠也

釋唐棣郁李也偏晉書作翩然則反亦當與翻同言華之搖動也而語助也此逸詩也於六義屬興上兩句無意義但

以起下兩句之辭耳其所謂爾亦不知其何所指也

爾蓋舊說以此連上為一章未為不遁也潛夫論寶賈篇孔子曰夫之恩也夫何遠之有忠良之吏職易得也顧望王欲之不爾據王節信之意此詩傷賢人之難見也唐棣之華先開後合偏與凡華相反比賢者之先散處與眾不同與上當別為一章也朱子分此別為一章謂上兩句盡意義則作詩必無此體例且作論語者何故引此無意義之句乎近時申注者謂華容翩翩搖動以無情之物而有情以比人之有恩兩句非全無意義但既從朱子之解謂夫子借詩語而反之則引下二句詩已足矣而上下二句究成贅語

又曰爾雅唐棣移郭注今白移也似白楊江東呼夫移邵氏正義曰移亦謂之移楊以其似白楊也陳藏器曰夫移木生江南山谷無風葉動華反而後合詩曰唐棣之華偏其反而邵氏引陳說以證郭注與此何注正符皇疏樹木之華皆先合而後開唐棣之華先開而後合譬如正道則行之有次而僅之為用先反而後至于大順故云偏其反而言偏者

明其道偏與常反也皇疏申何注補言偏字之義亦分明爾雅又有常棣棣郭注今關西有棣樹子如櫻桃可食邵氏正義引陸璣疏謂如英李而小者邵氏以櫻指唐棣為英李常棣謂如英李而小是二物相類而不同據郭注則二物絕異故于常棣用陸疏于唐棣則廣陸為非今常从爾雅郭注為正朱子以唐棣為郁李與陸疏同

子曰未之思也夫何遠之有

集注夫思者當思其反反是不思所以為遠也能思其反何遠之有言權可知惟不知思耳思之有次序斯可知矣
集注夫子借其言而反之蓋并篇仁遠乎哉之意程子曰聖人未嘗言易以驕人之志亦未嘗言難以阻人之進但曰未之思也夫何遠之有此言極有涵蓄意思深遠
集注夫字屬上句讀見釋文
文武氏經讀攷異取之

受業壻王慈惠校字

論語後案

定海黃式三學

鄉黨十

孔子於鄉黨恂恂如也似不能言者

集註王曰恂

恂溫恭之貌

集註恂恂信實之貌似不能言者謙卑遜順不以賢知先人也鄉黨父兄宗族之所在故孔子居之其容貌詞氣如此

後案朱子謂以詩書訓詁攷之恂恂宜為信實式三案後漢

書張湛傳引經注引鄭君注恂恂恭順貌也王扶傳引經注

恂恂恭順之貌是與王注同也史記世家引此經索隱云有

本作恂恂遂遂釋祝睦後碑鄉黨遂遂朝廷便便是恂古本有

作遂者遂有謙退義與似不能言相貫遂為正字恂同聲假

借字漢書李將軍恂恂如鄙人史記作悛悛恂悛皆遂之假

僭字

其在宗廟朝廷便便言唯謹爾

釋文便便辯也案辯便之雙聲借字爾耳之雙聲借字今辯便

爾耳

同音

僭鄭曰便便辯

貌雖辯而謹敬

僭便便辯也宗廟禮法之所在朝廷政事之所出言不可

以不明辨故必詳問而極言之但謹而不放爾此一節記

孔子在鄉黨宗廟

朝廷言貌之不同

朝與下大夫言侃侃如也與上大夫言誾誾如也

僭孔曰侃侃和樂

之貌誾誾中正之貌

僭此君未視朝時也王制諸侯上大夫卿下大

夫五人許氏說文侃侃剛直也誾誾和說而諄也

後漢書袁安傳袁安傳漢碑唐扶頌引徑侃作析孔注侃
侃和樂貌明此假侃爲衍也史記魯世家贊洙泗之間斷斷
如也索隱讀如論語閭閻孔注閭閻中正貌明此假閭爲斷
也後漢書張酺傳酺閭閻側側出於誠心可謂有吏魚之風
矣注閭閻忠正也待下易嚴待尊易貶古注以此爲舉所難
朱子引說文用本字義也朱子引王制王者制漢博士作此
據周制言周官設其參傳其伍注參謂卿三人伍謂大夫五
人鄒君云卿三人者賈疏據左傳昭公四年杜預言季孫爲
司徒叔孫爲司馬孟孫爲司空則諸侯之卿三人也鄭君謂
大夫五人者依賈疏及王制孔疏言之司徒下二大夫一爲
司徒大夫名小司徒一爲大宰大夫亦名小宰司空下二大
夫一爲司空大夫名小司空一爲司寇大夫亦名小司寇司
馬事省惟置一大夫名小司馬王制與周制同也王制諸侯
之上大夫卿下大夫上士中士下士凡五等注上大夫曰卿
此文與孟子合亦爲周制左氏桓公三年傳既言上卿下卿
又言上大夫於三卿五大夫中各分上下以五等言之則卿
卽上大夫五大夫皆下大夫無中大夫也夫子仕魯時三卿
則季孫桓子斯叔孫武叔州仇孟孫懿子何忌夫子仕爲司

君在殿階如也與與如也

冠乃司空之屬下大夫也史記謂孔子爲大司冠大字行當以王制疏崔靈恩之說爲正諸言傳不止三卿夫子夾谷爲相是爲卿者不可從也史記世家朝與上大夫言閭閻如也與下大夫言侃侃如也臧氏並林以史記爲古論也此先言下大夫說者以爲來朝之次先下大夫後上大夫而後君視朝也詩云三事大夫莫肯夙夜邦君諸侯莫肯朝夕先朝此譙夙先於朝夜後於夕大夫朝常先至夕常後還朝常後至夕常先退然則諸侯之臣下大夫當先於上大夫也

君曰君在視朝也殿階恭

敬之貌與與威儀中適之貌

君在視朝也殿階恭敬不甯之貌與與威儀中適之貌張子曰與與不忘向君也亦通。此一節記孔子在朝廷事上接下之不同也

上記大夫與言君尚未視朝此言君視朝也陳氏隱書曰朝辨色始入所以防微日出而視所以優尊時曰夜鄉晨

言觀其旂臣辨包始入之時也又曰東方明矣朝既昌矣君
日出視朝之時也尊者體盤卑者體蹙蹙者常先體盤者
常後蹙蹙是也與與皇疏云徐徐雖蹙蹙又不得急速也
申注中適之義說文惠趨步蹙蹙也許意趣走而仍安舒也
漢書長情悒悒蘇林曰悒悒行步
安舒此與與即彼蹙蹙古字从省

君召使擯色勃如也足躓如也

鄭曰君召使擯者有賓客使迎之

孔曰勃如必變色也包曰足躓盤蹙貌

擯主國之君所使出接賓者勃

變色貌躓盤蹙貌皆敬君命故也

蹙蹙貌說文引作字盛氣字蹙之謂字發異於常故注云變

色也說文又引作蹙蹙異文也躓如皇疏引江熙說云不暇

閑步履速貌也既敬召不敢自容故速行而足盤蹙也莊子

山木篇蹙蹙蹙步蹙蹙疾行也正與江合禮君子之容舒

遲見所尊者容邀蹙如蹙之謂乎一曰注言盤蹙是盤旋

逡遁之義投壺禮所謂盤旋曰蹙者言盤旋如有所還避也

退避則屏於一邊辟之言避也

揖所與立左右手衣前後襜如也

禮記鄭曰揖左人左其手揖右人右其手一俛一仰故衣前後則襜如也

禮記所與立謂同為摯者也摯用命數之半如上公九命則用五人以次俾命揖左人則左其手揖右人則右其手襜整

禮記朝用交摯聘用旅摯詳見武伯問仁章此言揖所與立是用交摯之禮或疑揖夾谷會齊侯享劉端臨謂此記為摯之事摯者摯聘客也不必言來朝之禮侯聘禮畢君命上摯送實出反告賓不顧若諸侯來朝主君親送安得有上摯復命之事江慎修云春秋時小聘曰問亦用交摯之禮也魯侯國摯者四人在門東西鄉立夫子揖右摯則右手揖左摯則左手推手為揖俾命當用土揖推手稍下之一俛一仰故衣動動須整然有容儀皇疏引江熙說以肅如為動貌又云託半週身左右迴手當使身上所著之衣必襜襜如有容儀至

動而整然有容儀者曰禮如也楚辭裳襜褕而含風兮王注
襜褕搖動貌則禮為動容與江說合後儒說禮如之義以為
身不動衣亦不動失之爾雅衣蔽非謂
之禮說者據之以解此經尤為牽合

趨進翼如也翼說文

作趨

孔曰言端好

突趨而進張拱端好如身舒翼

趨進之地當依江慎修謂夫子代為上揖在廟中阼階
西相禮之時也儀禮聘禮納賓賓入門左三揖至于階三讓
公升二等賓升西楹西擯者退中庭賓致命公左還北鄉擯
者進公當楹再拜鄭君於擯者退中庭注曰退者公宜親受
命不用擯相也於擯者進注曰公左還北鄉當拜擯者進阼
階西釋辭於賓相公拜也江氏據此謂趨進之節在廟中正
行禮時臣交擯傳辭後事也江氏曰賓既入廟君與賓皆升
堂賓致命公將北面拜祝拜君命之辱其時擯者位在中庭
進至阼階西釋辭於賓以相公拜所釋之辭如聘禮記云子
以君命在寡君寡君拜君命之辱是也經文曰擯者進卽此

趨進之進其時賓已致命君已左還北鄉將拜摯者從中庭進至阼階兩有數十步不宜舒緩故必當趨趨則急遽或至垂手掉臂難其容故特記客趨進之見左傳者成公三年齊侯朝于晉將授孟郤克趨進襄公七季衛孫文子來聘公登亦登叔孫穆子相趨進是從中庭趨進阼階之事凡發足向并爲進俗解趨進指入門入門時君與賓雁行摯介皆隨後雁行趨則在君前矣且經傳未有以入門爲進門者

賓退必復命曰賓不顧矣

圖 孔曰復命曰賓已去也

圖 行君傲也。此一節記孔子爲君摯相之容

圖 復命反命也顧回視也聘禮賓介私覲後摯者出請事

賓告事畢摯者入告公出送賓及大門內賓出公再拜送賓不顧鄭君注曰公既拜客趨辟君命上摯送賓出反告賓不顧論語說孔子之行曰賓退必復命曰賓不顧矣賈疏此送賓是上摯孔子爲下大夫得爲上摯者以孔子有德君命使攝上摯式三謂儀禮本文言賓不顧無摯者復命之文其文

不具鄭君依此章補之又以不言君命送賓不宜言復命故補命送之文鄭君意以復命爲反命孔注訓復爲白以鄭君爲是賈疏以此爲攝上攝亦是

入公門鞠躬如也如不容

孔曰敝身也

鄭謂由身也公門高大而若不容敬之至也

諸侯之公門曰庫雉路詩箋云諸侯外門曰皋門朝門曰應門內有路門故明堂位孔疏謂魯之門庫雉路除諸侯皋應路其實諸侯有庫雉路無皋應二門五禮通攷辨之詳矣朱子云公門高大者以意言之也攷工記廟門容大屬七個閭門容小屬三个路門不容乘車之五个應門二微參个此度廟門以屬度朝門以車各以其物宜爲之數然其制言大不言高皋庫雉門不言其制明堂位庫門天子皋門雉門天子應門言魯之庫雉其制依天子之皋應詳亦不可攷要之必高大也以禮攷之臣入雉門行朝禮上龍君在正是入雉門之事自過位升堂則入路門之事此首記入公門指庫

門而言魯庫門依天子庫門而為之者舉之為言高也詩曰
魯門有伉高大可知夫子敬之而如不容者重公門也庫門
為君泄外朝之處重公門即重外朝也兩上萬氏曰治朝外
朝就門而立江慎修曰諸侯之外朝在庫門外合觀二說知
庫門為君泄外朝之處
重公門即重外朝也

踰又曰踰禮踰躬本亦作鞠竊史記魯世家作鞠鞠徐廣
云見三蒼踰敬貌音穹窮式三謂篇中凡言如者皆形狀之
辭踰如勃如躄字形狀之也踰踰如鞠鞠如重字形狀之也
此經或言躬鞠如也則與踰如勃如一例言鞠躬如則如字
為不解當作鞠竊或作鞠鞠為是校勘記據
萃經音辨以鄭君及陸氏傳明所據本作窮
立不中門行不履閤履依說文从舟古經从舟
作屨亦通轉寫遂作屨

闕

孔曰

闕

門限

闕中門中於門也謂當棧闕之間君出入處也闕門限也
禮士大夫出入君門由闕右不踐闕闕氏曰立中門則當闕

行履闕
則不意

禮記孔氏玉藻疏謂門止一闕禮所云中楹與闕之間爲中門近江良庭據禮闕門左扉立於其中之文以證孔說賈氏儀禮疏謂門有東西用闕兩闕之間爲中門焦里堂謂賈說是也禮曰君入門介拂闕大夫中楹與闕之間士介拂楹又曰賓入不中門賓入不中門斷無大夫轉中門之理則知楹與闕之閒非中門也焦氏又曰玉藻鄭注云君入必中門上介夾闕大夫介士介雁行于後示不相沿也又注聘禮云介與摯者雁行卑不踰尊者之迹賈氏以兩闕閒爲中門主君與卿摯夾闕賓君與卿介夾闕主與賓並自卿以下屬行于後若中門卽楹闕之閒必大夫隨君後何以爲不相沿不踰尊者之迹孔氏玉藻疏引皇氏崔氏之說以爲中門卽楹與闕之閒按曲禮立不中門注云中門楹闕之中央言楹闕之中央未始非兩楹兩闕之中央與玉藻楹與闕之間文相似而實有異也經有時謂之門中猶不必其正中若不曰門中而曰中門則正中矣猶中堂必中於堂中庭必中於庭中席必中於席中道必中於道楹與闕之閒可稱中門將中堂西

楹之間可僦中堂中庭以東亦可以僦中庭焦氏此論極爲明析自朱子從孔疏後儒因之又分爲二有謂中門爲東屏之中者君臣出入皆由東扉也有謂兼東扉之中西扉之中者謂入由東出由西也要其說多不可解五禮通攷亦沿其誤不踐闕謝氏言不憲皇疏不踐門阨其義有二一則忽上升限似自高矜二則人行跨限已若履之則汚限汚限則汚跨者之衣也

過位色勃如也是躐如也其言似不足者

禮記包曰過

君之空位

禮記位君之虛位謂門屏之間人君宁立之處所謂宁也君雖不在過之必敬不敢以虛位而慢之也言似不足不敢肆也

禮記此言治朝之位也曰過者其正朝之禮上文所記君在是朝畢而位虛也五禮通攷曰過位升堂皆既朝以後事入雉門遂行朝禮君三揖禮畢退適路寢聽政諸大夫不得從

入有宰夫小臣掌諸臣復逆諸大夫有所啓奏乃得因之以入於是過位升堂也周上萬氏曰禮器云天子諸侯臺門足知君門崇廣可即此朝見臣民又玉藻云闔門左扉立於其中豈足証君門可以洩衆不必更有朝堂又曰天子五門諸侯三門門皆直入無堂室相間治朝外朝就門而立左傳邾子在門臺臨廷卽視朝時也江慎修曰治朝無堂觀司土路門左路門右之位可見聘禮使者夕幣於朝之時管人布幕於寢門外君朝服出門左亦可見路門外是平庭無堂也載東原曰朝有門而不屋故雨霑衣失容則輕朝觀此諸說知下文升堂爲路寢之堂而此過位爲治朝可知矣或疑過位何以記言曰古者常朝在治朝三揖而退其事甚簡職政則在路寢之堂臣過位而入路寢意欲有所建白而慎重之心益於是見也曲禮下卿位注云卿位卿之朝位也君出過之而上車入未至而下車正義卿位路門之內門東北面又引鄭君此經注云過位謂入門右北面君揖之位近儒申鄭君說者云卿朝于治朝是治朝有位卿君言入門右北面則是卿大夫之位言君揖則在治朝過位之位正指治朝臣位言亦正門屏之間謂之中中庭之左右謂之位是君所立者

名宁不名位說文亦以中庭左右為位
是位之名有實地可指者此別備一義

疏又曰邢疏以此位在門屏之間朱子注因之攷曲禮孔
疏諸侯內屏在路門內天子外屏在路門外而近應門內外
屏之制以此疏為是諸侯內屏所障止內朝天子外屏所障
及治朝天子屏既近應門而治朝在路門外其宁立之處正
在門屏之間亦正門屏之間謂之宁曲禮當宁而立是也諸
侯屏在路門內不得言門屏之閒為宁五禮通攷亦仍邢疏
之誤得
失之

攝齊升堂鞠躬如也屏氣似不恩者

齊本亦作齋
正字齊借字

集

孔曰皆重慎也衣

下

曰齊攝齊者握衣也

集

攝握也齊衣下綫也禮將升堂用手握衣使衣地尺恐

攝之而傾跌失容也屏藏也息鼻息出入者也近至尊氣容
也

禮記 檀弓 朝不坐燕不與孔疏云朝與燕皆在寢若路門以外正朝則大夫以下皆立若燕朝在於路寢則大夫坐於上如孔子攝齊升堂是孔氏以升堂爲路寢堂也而上萬氏曰入門而過位過位而升堂治朝之位無堂而攝齊升堂乃路寢之堂也江慎修曰路寢門內之朝君之視之也有四一爲宗人圖嘉事公族朝於內朝是也一爲與羣臣燕飲燕禮所言是也一爲君臣有謀議臣有所進言鄉黨所記是也聘禮君與卿圖事遂命使者亦是也一是羣臣以元端夕見亦是有事謀議也四事外則君與四方之賓燕亦在寢非朝禮又或臣燕見於君士相見禮所謂君在堂升見無方階辨君所在亦非朝禮孔子侍坐侍食對問政皆燕見時也大僕職王視燕朝鄭君以宗人圖嘉事解之舉一邊耳式三案諸說以升堂爲升路寢之堂是也以升堂爲正朝則非也正朝在路寢之庭燕禮曰公降立于阼階東南南鄉者是也此言升堂非正朝也江氏所引侍

坐侍食對問政者是也

禮記 又曰劉氏驥枝曰曲禮兩手擺衣衣齊尺謂卽席也於升堂未有言擺衣者拾級聚足連步以上自不至有傾跌失

空之患不必握衣也攝敝也整也舉足登階齊易發揚故以收放整飾為難史記鄒生陸賈傳沛公輒洗起攝衣正義曰敝著也其他傳記言攝衣攝在者不一未有以為握衣者戰國策曰攝衽抱几既抱几能握衣乎弟子職曰攝衣其盛既用手奉盥器不容又有兩手握衣管晏列傳晏子慢然攝衣冠若攝為握何乃并及冠乎劉氏駁孔氏之注存之足備一解

出降一等是顏色怡怡如也

孔曰先屏氣下階舒氣故怡怡如也

集註等階之級也逞放也漸遠所尊舒氣解顏怡怡和悅也
儀禮士冠禮降三等受爵弁疏曰天子之堂九尺賈馬以為階九等諸侯堂七尺階七等大夫五尺階五等士三尺故階三等也此路寢之堂禮合七等言降一等者見不待漫階也逞皇疏訓申與注舒解義相合逞快也解也見方言玉篇及左

傳杜注

沒階趨進翼如也

翼如

孔曰沒盡也下盡階也

集注

沒階下盡階也趨走就位也

後注

堂上不趨至沒階則徐趨凡發足向背為進趨進者出路門也皇疏以為去君遠也趨進之進陸氏釋文所據本無

進字以有進字為誤戴玉林曰史記孔子世家作趨進儀禮

聘禮注引論語同曲禮帷薄之外不趨正義引論語儀禮士

相見禮疏引論語並有進字然則自兩漢至唐初皆作沒階

趨進趨進者趨前之謂也進字不作入字解舊有此字非誤

乃陸本無之俗刻

論語竟刪去非是

復其位蹶蹐如也

蹶蹐

孔曰來時所過位也

復位

復位蹶蹐敬之餘也。此一節記孔子在朝之容

皇疏

皇疏位謂初入時所過君之空位也今出至此位而更

蹶蹐為敬也蹶申孔注是也後儒或以過位在外朝即以復

位爲外朝之位固非何義門以治朝堂下諸曹治事處爲此
所復之位則取階之義何解且過位復位上下相應何得別
生異解乎鄭君以上節過位謂入路門內門右北面君揖之
位見曲禮正義說者據此朝上言過下言復皆中庭左右臣
立之位此
又一義

執圭鞠躬如也如不勝

釋義 包曰爲君使聘問鄰國執

持君之圭鞠躬者敬慎之至

釋義 圭諸侯命圭聘問鄰國則使大夫執以通

信如不勝執圭器執輕如不克敬謹之至也

釋義 執圭指正行聘問禮曰賈人東面坐啓櫝取圭承綬

而授上介上介不襲執圭肩綬授賓賓襲執圭言介不襲者

禮不在於己也賓襲者重其圭禮所謂執玉龜襲也公側襲

受玉於中堂與東楹之間亦重圭而襲也圭有命圭公桓侯

信伯躬圭是也君親自朝則用之此珠圭使

臣類聘所用見儀禮聘禮記周官典瑞疏

上如揖下如授

集解 鄭曰上如揖授玉宜

敬也下如授不敢忘禮也

集注 上如揖下如授謂執圭平衡

手與心齊高下過揖與不過授也

集注 曲禮執天子之器則上衡國君則平衡注上衡謂高於

心肅敬也平衡謂與心平此朱子注所本也注既曰平衡又

曰高卑文集所謂步趨之間微有高下也下如授者凡授物

必稍低於心也上如揖者推手於前為揖古揖與今揖不同

也禮經注推手曰揖引手曰厭引手者斂手至於脅推手者

拱其手於前周禮土揖時揖天揖謂推手稍下之為土揖推

手小舉之為天揖推

手平之曰時揖也

勃如戰色足蹢蹢如有循

蹢當作蹢說文云
縮蹢也無蹢字

集注 鄭曰戰色敬也足蹢

縮如有循舉前曳踵行也

疏 色敗而色懼也踳踳舉足促狹也如有循記所謂舉前曳踵言行不離地如緣物也

玉藻 執龜玉舉前曳踵縮縮如也孔疏行時初舉足非後曳足履行不離地舉足促數玉藻又云圈豚行不舉足廣如流鄭君注圈轉也豚之言循若有所循不舉足曳踵孔子執主則然此徐趨也式三謂此皆縮縮如循之義循即逡也凡曰循環曰逡循皆與逡同豚循亦古同音字

享禮有容色

通鑑 鄭曰享獻也聘禮既聘而享享用圭有惠實也

集注 享獻也既聘而享用圭璧有庭實有容色和也饋禮曰發氣滿容

儀禮 聘禮於執圭行聘後曰賓務奉束帛加璧享損者入告出許庭實皮則攝之據是則享無圭用璧及庭實鄭君連晉圭璧渾言未分析也曲禮凡執玉其有藉者則賜無藉者則無藉者聘君以圭聘夫人以璋圭璋特達不用束帛也有

藉者享君以璧享夫人以琮皆加於束帛也襲者禮主敬尚質楊者禮貴和尚文故夫子有容色焉禮也

禮記又曰近儒以禮為醴賓者聘禮小聘曰問不享主人不送几不禮記又云若君不見使大夫受不禮是其所據也然記云執圭朝躬焉如恐失之及享發氣焉盈容私覲愉愉焉記分執圭享覲三節見禮之大在此三者與此經正符以三者言之則執圭正聘與享為尤重儀禮言使者之始受命也賈人西面坐啓橫取圭取纁而授宰宰執圭屈纁授使者使者受圭取纁以受命既述命授上介上介受圭屈纁出授賈人受享束帛加璧受夫人之聘璋享元纁束帛加琮如初是聘享之初受如此其重矣禮言未入竟之習儀也查肆為壇不執圭習享士執庭實習夫人之聘享亦如之習公事不習私事此聘享之辨習甚重而私覲則不習矣禮言入竟之展幣也布幕賈人拭圭遂執展之上介視之還圭又拭璧展之會諸其幣展夫人之聘享亦如之及郊又展如初及館展幣於賈人之館亦如之此入竟三展幣之甚重矣凡此皆未行聘享之恭而見聘享之重如此其後有還玉之禮焉君使卿皮弁還玉於館賓皮弁襲迎於外門外弁自西階南面受圭

還璋如初有報享之禮焉賓謁迎大夫賄用束紡禮玉束帛乘皮皆如還玉禮二禮或言報或言還還則不受重禮而以來物還之聘義云以主璋聘重禮也已聘還圭璋此輕財而重禮之義享則各隨其土宜之所有此所謂不以貨傷德不以幣沒禮者受而報之可也此聘享之終也

私覲愉愉如也

鄭曰覲見也既享乃以私禮見愉愉顏色和也

私覲以私禮見也愉愉則又和矣。此一節記孔子爲君聘於鄰國之禮也。見氏曰孔子在公九年仕魯至十三年適齊其間絕無朝聘往來之事疑使檜執圭用條但孔子嘗言其禮當如此耳

聘禮於既行享後賓告公事畢奉束錦以請覲而檜者請還賓乃先行禮賓事既隨賓賓覲奉束錦總乘馬二人贊入門右北面奠幣入門右者私事自闕東不敢如聘享之入門左檜者辭請以客禮受賓乃奉幣入門左介皆入門左北

面振幣授當東楹由是賓私覲後介又私覲禮畢而送賓矣
聘禮記曰既覲賓若私獻奉獻將命是私覲後有私獻一節
說者謂私覲之束錦乘馬公家所給而私獻則賓之所自備
者聘禮又有賓私圓於卿之禮鄭君注面亦見也其謂之圓
威儀質也蓋公事之得伸私敬先王制禮曲中人情如此郊
特牲言人臣無外交謂大夫從君而行私覲爲非禮耳故鄭
君注曰其君親來其臣不敢私見於主國君也以君命賜則
有私見愉愉如注云顏色和也廣雅釋詁愉喜也私謂愉愉
和也義正同此以愉爲煦
之借字也說文愉薄也

君子不以絳緹飾

禮記孔三一八三緹不飾者不以爲領袖緣之註者齊服也
以爲似衣齊服也經者三年練以經飾衣爲其似衣之
服取皆不
以爲衣也
經者君子謂孔子紺袞青揚素也齊服也
取終色三年之冠以飾練服也飾領緣也

段氏於說文紺帛淡青而揚赤色也注三揚案作陽倫
言表也釋名紺含也青而含赤色也按此謂今之天青亦謂
之紅青許言陽則言含其意一也以縹入深青而赤見於裏
是爲紺賈氏攷工記縹入赤汁則爲朱不入赤汁而入黑汁
則爲紺賈說非也入深青則爲紺入黑乃爲緞矣段氏又於
說文從帛雀頭色也注三從即縹也攷工記注染者三入
而成又再染以黑則爲緞今禮然又作爵言知爵頭色也
又復染以黑乃成紺矣士冠禮爵弁注爵弁者赤色赤而
微黑如爵頭然或謂之緞依鄭則爵緞縹三字一也三字雙
聲段氏之言紺緞如此式三案亦正云一染謂之縹二染謂
之縹三染謂之縹攷工記通氏云三八爲縹五入爲緞七入
爲緞鄭君注注四入爲朱六入爲元俱不言紺之色段氏以
亦正是先染絳色之故再入深青則爲紺鍾氏重縹則是加
染黑色之法故入黑則爲緞也其分別紺縹之色甚明孔子
國注以紺爲齋服盛色則誤以紺爲元以縹爲練服則誤以
縹爲緞錢竹汀疑孔本作縹亦無所證說者非之近儒如孔
注之誤而以紺縹爲間色亦非參攷經傳段說爲是然則其
不以飾何也曰深衣具父母大父母衣純以縹具父母衣純

以青如孤子衣純以素其不以紺服者非純纁純青純素之
禮也然則孔注以飾為領袖緣朱子以為領緣其異何也曰
鄭君於漢衣篇純袂緣純邊廣各寸半注以純為純袂口緣
頃為縞謂純深衣之下純純邊謂深衣之若側陸氏釋文云
鄭注既夕禮云飾衣領袂口曰純裳邊側曰緋下
曰緋緣此則所飾非一物注家所言各有詳畧耳
緋又曰古者衣裳冠帶屨屨皆有緣淡衣之純以縞以
青以素爵弁纁裳之纁縹中衣黼領之緣丹朱童子緇布衣
之緣錦婦人之褖衣纁紵明衣之緋縞以縹純以縹屨之純
或青或緋或黑帶之緣或朱縹或先華席之純或粉或緋或
縹之纁白紵纁纁氏註書

紅紫不以為褻服

褻從執諸聲與
義訓重衣者異

王曰

褻服私居服非公會之服

紅紫皆不正褻尚不衣正服無所施

鄭注

紅紫間色不正且近於婦人女子之服也

褻服私居服也言此則不以為朝祭之服可知

金張於火故以白入於赤南方開色之紅也火畏於水故以赤入於黑北方閉色之紫也後儒據朱子注近於婦服之文以紅為紫之艷者失紅之本解矣楚辭招魂注紅赤白也釋名紅絳也白色之似絳者也亦正一染謂之纁郭注今之紅也廣雅纁謂之紅說文紅帛赤白色也絳純赤也絳大赤也段注紅今人所謂粉紅桃紅是也大赤者俗所謂大紅純赤者俗所謂朱紅朱紅淡如日中之色大紅濃如日出之色則紅淺於絳赤與紫則渾似朱之色故夫子惡其亂朱也玉藻孔疏五方開色綠紅碧紫駢黃是也青是東方正綠是東方開木克土故綠色青黃也赤是南方正紅是南方開火克金故紅色赤白也白是西方正碧是西方閉金克木故碧色白青也黑是北方正紫是北方開水克火故紫色黑赤也黃是中央正駢黃是中央閉土克水故駢黃之也黃黑也此統解五方之開色極分明

當暑緝締結必表而出

讀本作紵又作紵見釋文案紵借字也說文紵元服也唐石經作紵紵緝同字

見廣韻今从皇本作緝締結从谷不从谷表亦作表俗作表出下那本衍之字朱子本同那

集解 孔曰暑則單服絺綌

葛也必裘而出加上衣也

集解 衫單也葛之精者曰絺粗者曰綌裘而出之謂先著裏衣表絺綌而出之於外欲其不見體也詩所謂蒙彼絺綌是也

集解 皇疏暑熱也絺細練葛也綌大練葛也表謂加上衣也古人冬則衣裘夏則衣葛若在家則裘葛之上亦無別加衣若出行接賓皆加上衣故云必裘而出也裘上出亦加衣嫌暑熱不加故特明之也皇疏是也邢本作必裘而出之字衍玉藻振絺綌不入公門裘裘不入公門注曰振讀爲紵紵禪也裘表外裘也二者形且義皆當表之乃出據鄭君禮注正用論語以出爲出行其所據經文山下必無之字或表下有之字也說文表上衣也與此亦合朱子注謂先著裏衣表絺綌而出之於外引詩蒙彼絺綌以徵之攷詩本文曰嗟兮嗟兮其之展也蒙彼絺綌是禪禪也傳箋俱以展之裏衣爲絺綌非絺綌加於展衣之上

緇衣羔裘

孔曰服皆中外之色相稱也

縹黑色也羔裘用黑羊皮

縹此言衣裘色稱之得宜也縹衣羔裘者夫子元冕服爵弁服元冠服之用裘如此而次之用襦衣者亦如此也知元冕服之用縹者大冕之下者爲元冕元冕無縹其服元端無章王以祭羣小祀以齋居以卒食而居諸侯以祭於己以齋居卿大夫之服自元冕而下以朝君以祭於公以齋居夫子爲魯大夫用元冕服也宜縹周官大冕之制冕延皆覆以縹布板其上服皆縹衣縹裳故其裘羔也知爵弁服之用縹者爵弁卽韋弁以縹色之布覆板其服用縹絲衣縹裳土冠禮爵弁服純衣純紉之爲檀弓云爵弁紉衣紉字同縹其裘亦羔裘其用之也王及諸侯卿大夫兵事用之聘禮君使卿歸襄餼用之凡此皆弁而用縹矣知元冠之用縹者雜記大夫弁而祭於己鄭君謂大夫爵弁自祭家廟惟公之孤爲然餘則與士同元冠疏家謂少牢是上大夫禮祭用元冠朝服然則大夫之私祭用元冠而縹衣羔裘也至士不得用冕而三加之爵弁爲士弁而祭公之服又特牲禮云冠端元是士得用元端服而施之於元冠但士之裘不宜用羔玉藻曰君子

狐青表元綃衣以褐之此士之服歟羔裘豹褭
是大夫不敢用純羔以避君士用狐青裘宜也

乘衣麕裘

儀禮聘禮注引此文麕作麕

麕 麕鹿

子色白

此明夫子皮弁服之用裘如此而次之用褐衣者亦如此也皮弁以白鹿皮爲之其衣絮其裘用麕皮弁服之用天子以貍朝以貍郊報以食諸侯以驪朔以迎王之郊勞以卜夫人世婦使入於蠶室以迎聘賓卿大夫以朝朔日以聘於鄰國以待聘賓還玉而學記云大學始教皮弁祭菜郊特牲蜡之日皮弁紫服以送終此上下同服之其君臣之有異者天子用皮弁服則狐白裘隨言狐白裘錦衣以褐之注云天子狐白之上衣皮弁服是也諸侯亦然故秦詩曰君子至止錦衣狐裘箋曰受命服於天子而來也夫子爲大夫而用麕裘裘旣異於狐白則純麕不必異裏飾玉藻云麕裘青旣衷絞衣以褐之此白青異色亦士之裘絞者近青之色褐衣象其裏也

黃衣狐裘

黃从田茨茨古
光字會意字也

狐色

黃衣以

裼裘欲其相稱

黃衣狐裘亦兼禮服及裼衣言也據鄭君禮注既大蠶而臘先祖五祀之服是禮服之一也自方性夫解郊特牲謂皮弁紫服主祭者之服黃衣黃冠助祭者之服後儒辨蠶臘各一祭不相連涉者從其說陳氏禮書曰既蠶而臘先祖五祀蠶以息老物臘以息民息民在蠶後記所言既蠶而牧民息已周蠶於十有二月素臘於孟冬皆建亥之月晉侯於十有二月滅虢遂襲虞官之奇曰虞不臘矣則臘在蜡月可知矣陳說申明蜡臘之制與鄭君說合然則蜡息老物故紫服以送終臘息田夫故服田夫之服二者儼然難之者曰周官王祭羣小祀則元冕鄭君謂羣小祀如山林墳衍四方百物之屬鄭君注大宗伯以四方百物爲蜡則是王於蜡服元冕而紫服與黃服非皆執事之服歟曰此陳氏禮書之說亦非也羣小祀多矣大約用元冕者爲多而蜡臘之服經有明據何得云服元冕乎至許都人士曰狐裘黃裳疏以此裘不

裼祗取溫裕也。於風狐裘以朝。狐裘在堂。箋謂祭服以朝。是
好潔衣服之證也。羔羊正義云。兵事用韎韐衣。則用黃衣。狐
裘及翟裘。象衣色故也。近漢氏禮經釋例遵

此說。以此衣裘為章弁服之用。其說未是。

經又曰。裘外之衣曰裼衣。裼衣外。加禮服。禮服掩蓋裼衣。
謂之襲。露裼衣。謂之裼。玉藻疏引皇說。聘禮。賔疏及此。邢疏
皆同。皇氏於此。疏謂衣裏之裘。必隨上衣之色。是繼衣。梁衣
黃衣。謂禮服也。邢氏以裼衣言之。二說自可通也。凡經中多
裼襲連言之。襲重於裼。禮之取盛者。其所服之裘。必隨禮服
之色。裼衣可知也。經中又有專言裼者。禮之次。不用禮服。有
裼。無襲。亦裼衣。隨裘之色也。此經統言禮之盛之次也。若禮
孔疏。謂裼衣外有襲衣。有禮服。說不可從。或據皇氏此疏。謂
裘外并無裼衣。核以

鄭君禮注。尤失之。

裘長短右袂

裘。箋說文引作結衣。襲作結引。
經以明假借也。裘作衣說亦通。

經

孔曰。私家。裘長主溫也。短右袂。便作事也。

經

長欲其溫。短右袂。所以便作事。

必有寢衣長一身有半

釋名 孔丘

今之被也

釋名 言主於敬不可解衣而寢又不可替明衣而寢故別有寢衣其半蓋以履足程子曰此綈簡當在齊必有明衣布之下愚謂如此則此條與明衣變食既得以類相從而袞袞襦器亦得以類相從矣

釋名 鄭君此注云小卧被也說文被字下引此文衾字下云大被則大被焉衾小被焉寢衣義正相合申之者謂此條因其短而類記之也式三案寢衣謂寢時之衣長一身有半衣及膝也人之股半於身寢衣所覆及膝冬藉以溫當暑以蔽形言必有者承上言冬夏之服也王伯申曰寢衣衾裘之衣也謂之寢衣者寢室所著之衣猶言燕衣裘衣耳身體中也謂頭以下股以上易其身在艮趾艮腓之上艮輔之下則舉中而言矣象傳曰止諸躬躬亦舉中而言渙六三渙其躬荀注曰體中曰躬經言長一身有半當依王氏說禮表裘不入公門如王說袞裘必有表衣未必然也

狐貉之厚以居糸說文作貉

鄭曰在家以接賓客也
狐貉毛深溫厚私居取其適也

去聲無所不佩

孔曰去除也非瑟則備佩所宜佩也
君子無故玉不衣身則礪之屬亦皆佩也

非帷裳必殺之

王曰衣必有殺
縫帷裳無殺也

朝祭之服裳用正幅如帷要有裴積而旁無殺縫
其餘若深衣要半下廣倍要則無裴積而有殺縫矣

集解引王肅說以裳對衣言皇疏及左氏昭公元年傳正義引鄭君注云帷裳謂朝祭之服其制正幅如帷也非帷裳者謂餘服也殺者削其幅使縫齋倍要者也朱子注正本鄭君說江慎修曰帷裳對深衣及長衣中衣之裳言之深衣

等裳無辟積其當旁之衽須斜裁謂之殺衣身與袂俱以二尺二寸之正幅各去邊二寸縫之安得有殺江氏說是也鄭君於禮玉藻淡衣三袂縫齊倍要注曰三袂者謂要中之數也袷尺二寸圍之爲二尺四寸三之七尺二寸縫紩也紩下齊倍要中廣丈四尺四寸江氏申之曰布幅二尺二寸深八之裳用布大幅裁爲十二幅其當裳之前襟後裾處以布四幅正裁爲八幅上下皆廣一尺一寸各邊去一寸爲縫一幅得九寸八幅則七尺二寸爲要中之數又以布二幅斜裁爲四幅狹頭二寸寬頭二尺各去一寸爲縫狹頭成角寬頭一尺八寸以狹頭向上寬頭向下則四幅下廣七尺二寸合正幅得一丈四尺四寸此四幅連屬於裳之兩旁名爲衽下文所謂衽當旁是也所謂非帷裳必殺之者如此據江氏此論以必殺者在裳兩旁之衽若禮孔疏謂六幅皆交解於是裳之非後惟中縫正直其餘皆成偏斜之縫殊失聖賢法服之制江氏可謂能正其謬矣鄭君於衽當旁注曰衽謂裳幅所交裂也凡衽者或殺而下或殺而上是以小要取名焉衽屬衣則衽而放之屬裳則縫之以合前後上下相襲江氏申之曰注云衽謂裳幅所交裂也玩片字明其惟裳旁之名衽者交

裂其餘幅不交裂也云凡衽者此廣解凡裳之衽也衽有二
朝祭服袷服皆用帷裳三幅後四幅裳際不連有衽掩之
用布交解寬頭在上合縫之狹頭在下如燕尾之形即袷服
爲衽二尺有五寸是也星衽之殺而下者也袷衣之衽當裳
旁亦交解而以狹頭向上寬頭向下此衽之殺而上者也云
是以小要取名者謂衽上合縫之木上下廣而中狹似衽之
上殺下殺亦名衽也云衽屬衣則系而放之者謂朝祭喪服
之衽云屬於裳則縫之以合前後卽此袷衣之衽也其縫之
以合辨後惟左旁是然若右旁則不能縫合別有鈎邊鄭亦
畧言之耳據江氏此說則朝祭喪服之衽殺而下其衽屬於
衣而非殺其裳深衣之衽
殺而上卽是殺其裳也

羔裘玄冠不以弔

釋義 孔曰豎主繫吉主元吉凶異服
禮記 喪主繫吉主元弔必變服所以哀也

吉月必朝服而朝

【釋】孔曰吉月月

朔也朝服皮弁服

【正義】吉月月朔也孔子在魯致仕時如此。此一節記孔子衣服之制蘇氏曰此孔氏遺書禘記曲禮非特孔子事也

【正義】吉月注以爲月朔者周官太宰布治司徒布教司馬布政司寇布刑鄉大夫頒灋於鄉吏黨正屬民讀灋皆言正月之吉黨正一歲四讀灋言孟月吉日族師一歲十二讀灋言月吉詩云二月初吉皆謂朔日祭義孟藻言朔月此言吉月與月朔月吉文有顛倒義得通也筆解云吉月所行月日因而謂之吉月吉日非正朔而已也朝服注以爲皮弁服者以視朔之服通名朝服也豈非凡言朝服惟是元冕結布衣象積裳皮弁服天子用以視朝今云朝服是使天子受名也皇疏由注以皮弁服亦可朝服之名如此豈管子問諸侯適天子節正義引熊氏說用孔氏此注江慎修曰侯宮未育以皮弁服焉朝服者吉朔之後官視朔孔子致仕後吉月淫朝服而朝不從視朔者異於在位之臣也劉焯曰既視朔則疑於不復視朔也故曰吉月必朝服王弼明不以一歲一正朝正者一年之禮也視朔者一月之禮也視朝者一日之禮也

不以月廢日不以大禮廢小禮也周以夜半為朔其時早矣
卒朔而朝無妨也曰朝服對皮弁服言之也楊威庭先生曰
朝服以編自季康子始則當時雖常朝之日亦偕天子
皮弁視朝之禮惟夫子必用緇衣之朝服以明禮也

齊必衣明衣布

釋文齊或作齋按
齋正字齊借字

集解 孔曰以
布為沐浴衣

集解 齊必沐浴浴竟即著明衣所以明潔
其體也以前為之此下說前章寢衣一節

集解 明衣之制於禮無見說者多據祭禮言之未必是蔡氏
哀錫曰古人衣服以布為觀身單衫於祭我謂之明衣但行
禮皆當服明衣不特祭為然故皇氏謂朝服必先以明衣觀
身於燕居謂之澤秦風與子同澤鄭箋澤褻衣近汚垢朱傳
澤裏衣以其親膚近於垢澤故謂之澤據蔡氏說推之則齊
時親身之衣尋稱曰明亦明水明火取諸潔之義也以禮言
之齊服元端則內服用衣外服元端也齊之制其佩結結其
綈綈色其冠諸侯元冠丹組纓士元冠綦組纓其車君羔幣

虎獲大夫上鹿帶豹獲今
博言明衣者敬所褻也

齊必變食

儀禮集說卷之四

齊必變食 食不得飲酒不茹葷

齊必變食 官謂夫王日一舉歸十有二物皆有俎王齋日三舉
供一太牢週朔加日食一等當四太牢齋則加牲至三太牢
惠半廣日王日四飯膳朝一舉日中及夕皆餼其餘齋日三
舉者旦也晝也舖也變者改常誤更而新之潔清其氣惡說
與賈說相足或謂齋之日宜冲淡以養其精誠不宜殺牲盛
饌攝改而官本文作王齋則不舉諺甚矣莊子曰不飲酒不
茹葷此祭祀之齋非心齋也朱注引之而致家體云食肉不
得茹葷飲酒不得致亂葷者臭菜之屬李氏本神曰五葷即
五辛其辛臭昏神伐性也鍊形家以小蒜大蒜韭芸臺胡
葵為五葷道家以韭薤蒜芸臺胡葵為五葷佛家以大蒜小
蒜興渠葱慈葱薤為五葷然則以齋為不茹葷者亦變食之

一說其以不茹葷爲不食肉者則謬耳國語先耕藉三日王
卽齋宮乃淨濯饗醴及期饗人薦鬯饗人薦醴王原烝饗國
乃行則據注者以齋
爲不飲酒亦非也

大司馬

孔子曰

易常處

遷坐易常處也。此一節記孔子謹齋之
事楊氏曰齋所以交神故致潔豐常以盡敬

於太廟終義致齋於內散齋於外檀弓非致齋也不晝夜居
於內國語耕藉之禮王卽齋宮百官御事各卽其齋三日莖
君齋於路寢夫人齋於正寢而大夫士亦各齋於適寢散齋
夜適寢亦散外事所謂致齋於內散齋於外是也致齋晝
夜適寢不豫外事所朝拜致齋也不晝夜居於內是也鄭
氏曰散齋不御不樂不弔則散
齋像外事其它與致齋同矣

食不厭精脂不厭細

脂 食飯也精粢也牛羊與魚之腥而切之為脂食精則能養人脂粗則能害人不厭言以是為善非謂必欲如是也
精 言粢米之率糲十糲九粢入侍御七此言梁米乃禾之米也禾米之法粟率五十糲米三十糲米二十七粢米二十四御米二十一說文所謂粟重一石為十六斗大半斗春為米一斛曰糲是也稻米之滋稻率六十糲米三十與禾米不同故稻粟二十斗為米十斗春為九斗曰粢春為八斗曰粢春為六斗大半斗曰粢段氏說文注曰禾米至於侍御稻米至于粢皆精之至矣

膳 又曰少儀麋鹿為菹野豕為軒皆最而不切麋為辟雞兔為宛脾皆最而切之又曰牛與羊魚之腥最而切之為膾切膾之肉用牛羊麋兔魚細切之也牛羊麋兔有不宜細切者內則所謂牛脩鹿脩田豕脯麋脯膾脯麋鹿田豕皆有軒是也其細切而為膾者內則言上大夫之膳庶羞二十豆其中有醢牛膾芥醬魚膾又言君燕食一十大物其中亦有魚

膾芥醬是也少饅鄭君注焉之言膾也先蓋葉切之復報切之則成膾又鄭君於內則細者為膾大者為軒注云膾者必先軒之所謂焉而切之也說文膾薄切肉也膾細切肉也然則不細者非膾矣

食饅而餲魚餲而肉敗不食色惡不食臭惡不食

史記世家餲作餲舊說文

作餲今本亦多作餲朱氏笛河曰以萎飼之萎當餲饅餲之餲當萎於是有俗餲字段氏說文本作餲

厚

孔曰饅與

味爽也魚敗曰餲

饅 饅飯傷熱溼也餲味爽也魚爛曰餲

肉腐曰敗色惡臭惡未敗而色臭變也

餲

說文饅飯傷溼也段注引葛洪曰饅餲與也釋文及邢

疏引字林曰飯傷熱溼也諸說似岐異式三謂飯因熱溼而傷腐臭謂之饅飯因久饅而味不甘者謂之餲餲猶鬱蒸之屬說文餲飯餲也飯餲疑飯餲之齏餲齏也釋文餲烏遇反一音遇諸說正互相備惟尔正云
食饅謂之餲此必有奪字誤字

失飪不食不時不食

失飪者失生熟之節也

不時不食非朝夕日中時也

失飪者失生熟之節也

實未熟之類此數者皆足以傷人故不食

失飪者或未熟或過熟也據禮文王世子末有原注云為

其失飪臭味是也正義云食若再進必熟爛過節故為失飪

孔注云失生熟之節亦似兼過熟未熟二義焉淮南子云文

謂日至於晉泉是謂蚤食至於桑野是謂晏食至於悲谷是

謂饔時孟子趙注朝食曰饔夕曰飧說文饔饗食也飧歸也

饔申時食也白虎通曰王者平旦食晝食餽食莫食凡四飯

諸侯三飯大夫兩飯此鄭君舉朝夕日中之義也左氏昭公

五年傳曰日之數十會日為二旦日為三當三在旦故曰三

日不會此言會時在辰之二而平旦在寅之三非會時也此

不時不食之義也皇疏引江熙說不時謂生非其時若冬梅

李實也此又一義集注又一義或曰時如春宜羔豚膳膏臠

夏宜脰臠選膏腴秋宜臠臠膏腴冬宜鮮羽臠
齊禮又如膾春用蔥秋用芥豚春用韭秋用麥

割不正不食

割肉未嘗不方正者不食造次不離於正也漢陸績之母
所短心皆安下切上午餉勿漫舌皆切本末亦午割勿漫
引此經之正與皇說合邢疏則以脰解體解言也素氏
謂亦謂之脰脰者解挂馬七體一脊兩脰兩脰也骨者
謂以其踐距穢惡而棄之益傍脰胎各可通一脊七
此脰解之制也臠解者則脰解之七體而析之為二十一
析脊骨為三前正脊中脰脊後脰脊也骨三前代脊中長
脊後短脊合左右四脊六也脰骨三上脰骨中脰骨下脰
脰合左右兩脰六也脰骨三上脰骨中脰骨下脰骨左
右兩股為大也至正脊之前脰之上脰處脰之脰亦謂之
脰脰之下後足之末近趾者謂之穀脰一而穀兩脰不在正

體之數據秦氏說豚則四蹄為不正以其踐踞穢惡而棄之凡七體皆正也體解則析為二十四一體兩股亦不在正體之數凡二十一體皆正也少半饋食禮之升獻於俎兩升以近竅之故踐之而不升凡十九體為正也又禮言四以不食之屬皆不正也惟南子與林則謂光不升俎注旁光陰也俎豆之實與肩膊肋

不得其醬不食

爾雅曰魚醢

非芥醬不食

爾雅曰肉用醬各有所宜不得則不食聚其不為也此二青無害於人但不以嗜味而苟食耳
禮記江慎修曰醬者醢醢之說名醢之物有七醢醢當豕肉作之家所常用者也又陸產之物有醢兔雁水產之物有醢魚或謂之未必皆備內則有卵醬卵魚醢之屬有芥醬則醢人七菹之類漬醢醢而成者也醬物以醢醢為主或烹時以醬和之醢鵝鵠醢醢醬鰕魚卵醬是也或於食時以醬醢之股脩蜆醢肺羹兔醢榮肩魚醢魚膾芥醬榮醢醢

醫是也不得其醫當是配食之醫若烹持已入之醫或有非
其醫亦難辨式三謂醫藥監證見馬官醫六越人共證六十
醫證人共證六十尋藤夫言醫百二十藝是也證以證之
而主陽證以肉為之而主陰二物迥然不同則不得其醫有
證證之
醫用者

肉雖多不使勝食氣惟酒無量不及亂

唐石經
惟作唯

亂亂食以穀為主故不使肉勝食氣酒以爲人合歡故不爲
量但以醉爲節而不及亂耳程子曰不及亂者非特不使亂
志雖血氣亦不可使
亂但決冷而已可也

亂亂說文亂字下曰小亂也論語曰不使勝食亂說注曰此
引經證假借也式三謂今氣字古作氣今讀字古作氣氣既
同音虛字段說是即證以氣氣小亂以假借字爲本義失
之肆證外等三日飲食適乎藏滋味適乎氣夫是之謂能自
養也故聖人養有適適則不樂故不爲也直行情性之
所安而制度可以爲天下法矣外傳之言與此經義符

沽酒市脯不食

沽買之借字
參見美正章

謂沽市皆買也恐不精潔皆
傷人也與不蓄康子之藥同意

詩無酒醑我毛傳一宿酒醑之醑是沽酒非酒之美者
也沽如祖沽之沽市如市道交有市於道之市街賣者多賤
惡詐飾之物沽市因為不美之稱鄭君於禮檀弓以為沽也
注云沽糞畧也於周官酒正注司兵注言功沽喪服傳言粗
沽史青鬻國賣友以鬻賣為詐亦其類也漢書會貨志言詩
據太平之世酒沽在官曰有酒醑我孔子言周衰亂酒醑在
民而醑酒不食此王莽欺世之論其實市中兼有美惡之物
夫子不食其惡者耳

不撤薑食

撤當作辨詳見八佾篇薑食文作
薑薑薑界子禮記醢字常从薑

孔曰撤去也齊禁薑物薑辛而不熟故不去

孔意以上齋字直下不多食之文那疏以齋必
變食至必齋如也為一節題記齋祭飲食居處之事也

不多食

釋名 孔曰不過飽

禮記 適可而止無貪心也

禮記 閭百時以不多食博指蓋言不撤而亦不多即上無量不及亂一例語也姚姬傳曰古者有嚴食之闕天子左達五右達五公侯伯於房中五大夫於闕三士於拊一未知孔子之已有闕與其拊也與凡食畢則徹於造脯醢醢菜則不徹殿以備時食所以優尊者也孔子所嚴者禮而已雖常嚴而以卒饗散氣故不多食以衛生也儒者或謂不多食與上不屬則說非矣聖人不憚會尙待記而後明乎

祭於公不啗肉祭肉不出三日出三日不食之矣

禮記 周曰助祭於君所得牲體歸則頒賜不留神

惠鄭曰自其家祭肉過三日不食是衰鬼神之餘

禮記 助祭於公所得胙肉歸即頒賜不俟經宿者不留神慰也家之祭肉則不過三日皆以分賜蓋過三日則肉必敗而

人不食之是喪鬼神之餘也
但比君所屬胙可少緩耳

食不語寢不言

爾雅若述曰語自言曰言范氏曰聖人存心不他當食而食當寢而寢言語非其時也楊氏曰肺爲氣主而聲出焉寢食則氣窒而不通語

言恐傷之也亦通

爾雅食時有須若述者俛下咽後徐答之則聲宜而語清不可口銜食物而與語止寢則不妨答語而人方靜臥或以自言爲之不可也

雖蔬食菜羹瓜祭必齊如也

釋文魯讀瓜爲必今从古

爾雅孔曰齊嚴敬貌

三物雖薄祭之必敬

爾雅古人飲食每種各出少許置之豆間之地以祭先代始爲飲食之人不忘本也齊嚴敬貌孔曰雖薄物必祭祭必

敬聖人之誠也。此一節記孔子飲食之節。謝氏曰：聖人飲食如此，非極口腹之欲，蓋養氣體，不以傷生。惜如此，然聖人食之，不欲心勝而不暇擇也。

孔云：三物是以瓜字絕句。玉藻：瓜祭上環，是瓜宜祭也。楊鏡山先生謂：句讀自顧玉藻之辭尤其證也。疏：食近解訓為粗糲之飯，據飯蔬章孔注，以為菜食是齋食之和菜者，據月令鄭君注，以草木之實為蔬，食據程氏通義錄云：凡經言蔬食者，稷食也。論語：蔬食菜羹，即玉藻之稷食菜羹。左傳：樂則無矣，粗則有之，粗對梁言稷之謂也。儀禮：昏禮：婦饋舅姑有黍無稷，特著其文，蓋婦道成以孝養，不違蔬食也。程說如此，以段為今之蘆藿是食中之蔬大者也。菜羹者，無肉之羹。江慎修曰：余正肉謂之羹，羹為煮肉之通名，肉熟為羹，定是也。但有肉汁而不和鹽菜，盛之瓦豆之登者，為太羹。三牲肉汁和以鹽菜，盛之銅器者，為鉶羹。列之鼎為陪膳，皆禮會之羹。其常食之羹，鵝犬兔及脯皆和水屑作之，又有菜羹，但有鹽菜，內則所謂芼羹。蔡司馬遷所謂藜藿之羹也。

席不正不坐

謝氏曰聖人心安於正故於位之不正者雖小不處

劉慈謝說以位之不正言是兼徒坐禮坐言也不坐者俟正之也徒坐禮坐之異注家未分明曲禮羣居五人則長者必異席孔疏此羣居之法若賓主禮席無同坐之法故鄉飲酒賓介異席又云眾賓之席皆不屬焉不相連屬也鄉射眾賓之席繼面西謂異席而相繼也燕禮及大射禮公三重大夫再重臣皆異席也然則說以四人可同一席者徒坐之位也席之制短不過尋長不過常中者不過九尺其闊三尺三寸三分寸之一故遠近間三席為席間而大記云非飲食之客則布席席間國丈亦徒坐之法也記又曰凡侍坐於大司成者遠近間三席可以問言凡侍者亦徒坐也記又曰奉席如橋衡請席何鄉席有定鄉而請之者為徒坐則願尊者所安而記又曰席南鄉北鄉以西方為上東鄉西鄉以南方為上所鄉聽於尊者而席端有一定之法亦徒坐所宜正也萬氏禮記偶箋據鄉飲酒介席在西階上而鄉東主人席在阼階

上而鄉西記云主人介升席自北方降自南方鄭注升由下
降由上是東鄉西鄉以南尊上室中以與爲尊祭時太祖位
與東鄉略移之位自西而東則南鄉北鄉以西方爲上據說
氏說則記言布席之法通於禮坐時解依孔氏專於徒坐非
也禮坐之席莫詳於鄉飲酒禮曰坐賓於西北又曰賓於
南鄉者席在闕間而南鄉也曰坐介於西南又曰介必東鄉
者席在西階上而東鄉也曰主人坐於東南又曰主人坐於
東方者席在阼階上而西鄉也曰坐僎於東北者僎席在馮
戶之間而南面也顧氏說俗儒不讀鄭言儀禮注而誤以四
面之坐爲側坐明洪武二十二年夏定鄉飲禮遂從之是不
正其大於此矣徒坐禮坐之文甚詳今祇舉其畧如此席之
同異席之遠近席之所鄉席之端末席之坐處皆所宜正邪
疏云天子之席五重諸侯三重大夫再重席之正在禮數之
多寡葉少藎云有憂者側席而坐有喪者專席而坐席隨事
而正皆
備參攷

鄉人飲酒杖者出斯出矣

禮記 孔曰杖者老人也鄉人飲酒之禮
主於老者老者禮畢出孔子從而後出

禮記 杖者老人也大十杖於

鄉未出不敢先旣出不敢後

禮記 齊說鄉飲酒之禮有四一則三年賓與賢能二則鄉大夫飲酒三則州長賓與賢能四則黨正蜡祭飲酒攷之於經鄉大夫飲國中賢者與賓與爲一禮而賓與習射不以齒序此以杖者爲尊禮亦迥異惟鄉飲酒義云六十者坐五十者立以聽政役六十者三豆七十者四豆八十者五豆九十者六豆此黨正飲酒正齒位之禮黨正言國索鬼神而祭祀是蜡祭之後有此禮記言夫子與於蜡實以此飲酒屬之蜡禮意猶近之或又據族師春秋祭酺爲釀錢會飲之說式三謂鄉人歲時伏臘及冠昏諸事凡爲酒食以名鄉黨僚友者皆是飲酒之事不必偏執一禮

鄉人儺胡服而立於阼階

釋文儺音談爲獻今从古

禮記

孔曰儺驅逐疫鬼恐驚先

祖故朝服而立於廟之阼階

問 雊所以逐疫周禮方相氏掌之昨階東階也雊雊古音而近於獻亦必朝服而臨之者無所不用其誠敬也或曰恐其驚先祖五祀之神欲其依己而安也。此一節記孔子居鄉之事

聖 註云恐驚先祖者郊特牲曰鄉人禘孔子朝服立於昨拜室神也鄭君注云禘或爲獻或爲雊朝服立於昨神使人也雊又作獻者據釋文云雊各誤爲獻是作獻者魯論也古庸聖難聲之字同在桓郎詩三百篇可證獻之古轉音如娑與歌部之雊音同獻雊同音借字陽則同義不同音之字也雊之時見于月令者有三季春有司國者雊仲秋天子乃雊季冬命有司大雊此經之雊據十二月大雊而言義見周官賈疏又月令季冬正義曰皇氏以季春國雊下及於民以此季冬大雊爲不及於民也然皇氏解禮達鄭解義也今鄭注諸語鄉人雊云十二月命方相氏索室中驅疫鬼鄭既分明云雊云不及鄉人不知何意如此

問人於他邦再拜而送之

禮記 孔曰拜送使者如親見之敬也

康子饋藥拜而受之曰止未達不敢嘗

禮記 包曰饋孔子藥也孔

曰未知其故故不當禮也

禮記 范氏曰凡賜食必嘗以拜藥未達則不敢嘗受而不飲

則虛人之賜故告之如此然則可飲而飲不可飲而不飲皆

在其中矣楊氏曰大夫有賜拜而受之禮也未達不敢嘗

諸疾也必告之直也○此一節記孔子與人交之誠意

禮記 夫子既能拜受而答藥非饋於疾病之時正如今日一

種丸散補劑通用子云未達者凡藥加減必應病而後有

不能以一藥通治諸人之疾皇疏謂

未曉此藥治何疾故不敢嘗之是也

廢焚子退朝曰傷人乎不問

禮記 廢今作厥經史中無此字見李陸元誤

禮記 鄭曰重人賤辱也退

朝者自魯之朝來歸止

非不愛馬然恐傷人之意多
文未暇問諸貴人殘魯理當如此

雜記下曰廢焚孔子拜鄉人爲火來者據注疏謂鄉
人來慰問孔子者拜謝之甚爲孔子之家廢皇而二疏同據
鹽鐵論尉繚繡云魯既焚孔子罷朝問人不問馬則漢儒說
有指公廢者家語作公厖有由來也不問馬近解謂問人時
不及馬據陸氏釋文以不字絕句申之者謂乎字畧讀不字
句子問人之傷與抑不與而後問馬義固通今所用否字古
用不字也

君賜會必正席先嘗之君賜腥必執而薦之君賜生必畜之

釋文

腥說文字林並作胙按胙肉之有星點者作胙爲正畜當依
說文作胙余正程獸釋晷異名在家可養者晷恩養也執亦
作孰今盛本

毛本作熟

孔曰正席先嘗敬君也
嘗之乃以預賜也薦薦其先祖也

國子監會恐或餽餘故不以薦正席先嘗如對君也言先嘗明
餘當以頒賜矣腥生肉熟而薦之祖考榮君賜也辱之者仁
君之惠無故
下致殺也

鄭氏先嘗謂對使者而遂嘗之也正席如饗所謂齊豆太席
尺者是也禮運腥其俎熟其醑生家謂腥其俎者豚解而腥
之宗廟朝踐時用之熟其醑者體解而熟之宗廟饋食時用
之於禮大夫無豚解無朝踐薦腥之屬故腥必熟之醑也

侍食於君君祭先飯

鄭曰於君祭則先

飯矣若為君嘗會然

周禮王日一舉膳夫授祭品皆會王乃會其侍食者

君祭則己不祭而先飯若君嘗會然不敢當客禮也

此章紛紛異論以經攷之公會大元禮王正也會賈疏

云彼君前無會與君臣俱有會者具與王議若議之會而君

客之則命之祭然後祭先飯若會蓋飲而侯方可嘗蓋若則

俟言之會然後從會此客禮與公會不同然君命之祭正待以

客禮之次時或膳宰不存先飯爲正嘗羞不敢以客禮自居
若膳宰存不先飯則既以客待不先飯爲正也經文本直哉
此章所記不書命祭星不以客禮待之無論膳宰之在與不
在而以先飯爲合禮也自玉藻孔疏分若有嘗羞以下爲不
以客禮待之說論語者遂不可通舊說謂不以客待之禮不
必先飯而夫子於常禮外有加謹是過於禮也江慎修疑
客禮待之而先飯則經何以不言君命之祭也秦氏通考
君不以客禮待之次君祭而王不祭君則無嘗羞者故先飯
掛嘗羞無嘗羞者句於論語中未免添說未是也今以公食
禮爲正客禮以玉藻所言爲客禮之火以論語所記爲不以
客禮就經始無膠葛非好翻案也

疾君視之東首加朝服拖紳

拖紳文本作拖說文作袖案說文
托曳也托拖之借拖托之變拖俗

體

包曰夫子疾處南牖之下東首加其朝
服拖紳紳大帶也不敢不衣朝服見吾也

東晉以受生氣也病臥不能著衣束帶又不

可以養服見君故加朝服於身又引大帶於上也

梁逵君子之寢恆東晉而亦有不拘者如請往何趾是也君

視疾疾者東晉君入室中在與與屋漏之間東晉則向君也

君命召不俟駕行矣召乃聲口義作召非

鄭曰急趨君命

行出而車駕隨之

鄭急趨君命行出而駕車隨

之。此一節記孔子事君之禮

鄭荀子大略謂曰諸侯召其臣臣不俟駕則衣裳而赴

也詩曰穎之劍之自公召之天子召諸侯諸侯與就屬

禮也詩曰我出我與於彼

牧矣自天子所謂我來矣

入太廟每事問

鄭曰為君助祭也太廟周公廟也

鄭出

朋友歿無所歸曰於我殯

禮記 孔子曰重朋友之恩也喪所歸無親昵也

朋友之饋雖取焉非祭肉不拜

禮記 孔子曰不拜者

有通財之義也

禮記 朋友有通財之義故雖草馬之重不拜祭肉則拜者敬其祖考同於己親也○此一節記孔子交朋友之義

寢不尸居不容

禮記 包曰不偃卧四體而展手足似人

人也孔子曰不容爲室家之敬難久也

禮記 尸謂偃臥似人者也居居家容容儀范氏曰寢不尸非

系其類於人也情慢之氣不設於身體雖舒布其四體而亦未嘗肆百居不容非情也但不若幸

祭祀見賓客而已申申天天是也

注以尸為死人是尸為屍之借字注云偃臥謂覆臥也
禮曰寢毋伏注伏覆也皇疏云眠當小歛不得直脚申布也
居坐也寢坐一類寢易懈云不尸明聖人不過肆也坐不容
明聖人不過拘也客今本作客釋文作居不客云本或作容
唐石經亦作客段懋堂曰居不客嫌其主之類於賓也寢不
尸惡其生之同於戚也臧玉林云尸如弟為尸之尸禮云坐
如尸既寢不當執是禮減
意尸與客類故云然也

見齊衰者雖狎必變見冕者與瞽者雖褻必以貌

孔曰狎者素親狎周曰褻謂數相見必當以禮貌之

狎謂素親狎褻謂燕見貌謂禮貌餘見前篇

狎謂習見也常人狎見則憐夫子習見而憐之也冕者

俗言攝紳士也汪容甫曰曰冕非常服當其行禮夫人而以

貌也惟卿有元冕云冕者謂上大也然不云上大夫而云

冕者此辭之曲者也經言冕又言褻褻依朱子注訓燕見注

說正

相發